

ኢብራዌ አሳው ፃፊትዳ ኪታ ጌሉዋ

ሃዌ ጳውሎስኔ ጳጳርሲ ፃፊዳዋዳን ኪታ ጊዳናን ቲሚርቲ ጊዲዳ ፃፊትዳዋ፡ ዋልቃማ ቱጋይ ጋኪና፡ አማኑዋ አጋናው ማቲዳ አማኒያ አሳቱዋሳ (10:32-39)። ሃ ማፃፋ ፃፊዳዋ ኦኔንቶ ኤሪቲና። ሃ ፃፊያ ሁጴ ቆፋይ ኮይርቲዳ ኦንቱንቱን ዳዲያ ሰቁዋኮ ሰማናዳን ዩሱሳ ቶቃቲላ ቤሲዳ ኦንቱንታ ዞሬ። ሄ ፃፊ ኢብራዌ አማኒያዋንቱሲ ሚኒሲ ኦዲያዌ ዩሱሲ ኪሪሰቶሲ ቱማኔ ያሳ ፖሎ ቆንጨላ ጊዲያዋና። ሃ አማኒያዋንቱ ባሬንቱ አማኑዋን ሚናና ማላ፡ ኦንቱንታ ማንጴጴ። ኢ ሄዋ ኦሴዳ ሄዙ ቱማቱዋ ቆንጨሲዳ ቤሲ።

1. ኢ አኬዳ ሜቱዋ ባጋና ባሬ አወዋሲ ቱሙ አዛዜቲዳ ዩሱሲ ያሳው ሜዲና ናዳ። ኢ ያሳ ናዳ ጊዳዳ ዲራው፡ ኤጫ ቃላ ጫቁዋ ዋዲያን ቲምቢቲያ ኦዲያዋንቱ፤ ኪታንቻቱዋ፤ ሃራይ ኦቲን፡ ሙሴ፤ ሎይሲ አዲያዋ።
2. ዩሱሲ ኤጫ ቃላ ጫቁዋ ቄሳቱዋ፤ ሎይሲ አዲያ፡ ሜዲና ቄሳ ጊዲያዋ ያሳይ ባሬ ሁጴው ኦዳዳ።
3. ዩሱሳ ባጋና አማኒያዋ ናጋራ፤ ያሻቲላ፤ ሃይቁዋ፤ አቲ። ዩሱሲ ቄሳቱዋ ኡባቱዋ ካፑዋ ጊዲያ ዲራው፡ ካሴ ኢብራዋቱዋ አማኑዋ ዋጋቱዋኒ ሜሄቱዋ ያርሹዋን ኩዋዳን ቤቲያ አቶቲላ ሃዲ ቱማ ጊዳናዳን ኡዳዳ።

ፃፊ ኢብራዌሊያ አሳ ታሪኪያን ዳር ኤሪቲዳ አሳ አማኑዋ ሎሚሱዋዳን ጎዔቲዳ (ሺምፑዋ 11)፤ ሃ ማፃፋ ናባቢያ አሳቱ ባሬንቱ አማኑዋን ሚናናዳን ቆፊሴ። ሄዋዳንካ (ሺምፑዋ 12) ናባቢያዋንቱ ባሬንቱ አይፊያ ዩሱሳ ቦላን ቲሺ ኡዲ ዋሲዳ፡ ባሬንቱ አማኑዋን ሚናናዳኒኔ አይ ማላ ሜቲኔ ዋዪ ጋኮ፤ ኦንቱንቱ ጌንጨናዳን ዞሬ። ወርሴላን ቃሲ ዞሪያኔ ኦኬኪሱዋ ቃላ ኢሚያዋን ወርሴ።

ሺምፓቱዋ ኡባቱዋሲ አሜቲዳ ቃንሳ ቆፋቱዋ

- ጌሉዋ፡ ያሳይ ዩሱሳን ቆንጨዳዋ (1:1-3)
- ኪሪሰቶሲ ኪታንቻቱዋ፤ ቦላ ጊዲያዋ (1:4-2:18)
- ኪሪሰቶሲ ሙሴ፤ ኢያሱ፤ ቦላ ጊዲያዋ (3:1-4:13)
- ኪሪሰቶሳ ቄሳቲላ ቶቃቲላ (4:14-7:28)
- ኪሪሰቶሳ ቃላ ጫቁዋ ቶቃቲላ (8:1-9:23)

ኪሪስቶስ ያርሼቴዳዌ ኦዋፔኔ ዳሪያዋ (9:23-10:39)
አማኑዋ ዳርቴላ (11:1-12:29)
ዖሳ ናሼቹሳ (13:1-19)

ዖሳይ ባሬ ናዓ ባጋና ሃሳዬዳ

1 ዖሳይ ቤኒ ዋዴ፥ ኑ አዎቲ ናባቲዋ ባጋና ዲማ ዲማ ኦጊያኒኔ ዳሮ ዋዲያን ሃሳዬዳ። 2 ሺን ሃ ወርሴላ ዋዲያን፥ ኡባባ ኦ ላቴሲዳ፥ ዬሌታ ኦ ባጋና ሜዴዳ ባሬ ናዓ ባጋና ኑሲ ሃሳዬዳ። 3 ናዓይ ዖሳ ቦንቾ ፖዑዋ ጰሌ፤ ቃሲ ኩሜንላ ዖሳ ኤሻ ኦኪዳ፥ ባሬ ዋልቃማ ቃላን ሃ ሳዓ ናጌ፤ ያቴዴ ኦሳ ናጋራፔ ጌሺዳ፥ ኡባፔ ቦላ ዖሳፔ ኡሼቻ ባጋና * ሳሉዋን ኡቴዳ።

ዖሳ ናዓይ ኪታንቻቲዋፔ ቦላ

4 ዖሳይ ኦው አሜዳ ሱንላቴላይ ኪታንቻቲዋፔ ጰቃ ጊዲያዋዳንካ፥ ኡንቲንቲፔፔ ኦ ሎይሊ ጰቁ ኦሌዳ። 5 ኦዲሲ ጎፔ፥ ዖሳይ ባሬ ኪታንቻቲዋፔ ኦና፥

«ኔኒ ታ ናዓ፤

ታኒ ሃቹ ኔው ኦወዋ ጊዳዲ»

ጌዴ? ዋይ ቃሲ ኦና፥

«ታኒ ኦው ኦወዋ ጊዳና፤

ኢካ ታው ናዓ ጊዳና»

ጌዴ? 6 ቃሲ ዖሳይ ባሬ ባይራ ናዓ ሃ ሳዓ ዬዳና ሃኒዴ፥

«ታ ኪታንቻቲዋ ኡባቲካ ኦው ጎዪኒኖ»

ያጌዳ። 7 ዖሳይ ኪታንቻቲዋባ ሃሳዪዴ፥

«ታኒ ታ ኪታንቻቲዋ ጫርኩዋ ኬሳይ፤

ቃሲ ታ ኦሳንቻቲዋካ ታማ ላጩዋ ኬሳይ»

ያጌ። 8 ሺን ባሬ ናዓዋ ሃሳዪዴ፥

«ዖሳው፥ ኔ ካወቲላ ኦይዲ

ሜዲ ሜዲናው ዴዔ።

ኔ ካወቲላ ዲሎቴላን ኦሃሳ።

9 ኔኒ ዲሎቴላ ሲቃዴ፤

ናቁዋ ኢፃዳ።

ዖሳይ፥ ኔ ዖሳይ ኔና

ኔ ሳጌቲዋፔ ኦሊዳ፥

* 1:3 ኡሼቻ ባጋና፥ ቦንቹዋኔ ዋልቃሳ ጊዲያዋ ቤሴ። 1:5 ማዝ 2:7፤ 2ሳዎ 7:14፤ 1ኦድ 17:13 1:6 ዛር 32:43 1:7 ማዝ 104:4 1:8 ማዝ 45:6-7

ናሹቻን ኢሊሊሲያ ዛይቲያ ኦኬዳዌ ሃዋሳ»
ያጌ። 10 ያሳይ ሃዋዲን ያጌ፤

«ጎዳው፥ ኮይሮ ኔኒ ሳዓ ሜዳዳ፤

ሳሉዋካ ኔ ኩሺያን ሜዳዳ።

11 ሃዋንቱ ኡባይ ዳያና፤

ሺን ኔኒ ዳዓና።

12 ኔኒ ኡንቱንታ ጋቢያዳን ዳኮያና፤

ቃሲ ኡንቱንታ አፊላዳን ለሜታናዋንታ።

ሺን ኔኒ ኔናካ፤

ኔ ላይላይ ኡባካ ዉሬና»

ያጌ። 13 ሺን ያሳይ ባሬ ኪታንቻቱዋ፤ ኢቱዋ።

«ታኒ ኔ ሞርኬቱዋ ኔኒ

ጌዲያን ዩዲያዋ አላና ጋካናው፥

ሃዋን ታ፤ ኡሺቻ ባጋን ኡታ»

ጊቤና። 14 ኪታንቻቱ ኡባይ ያሳው አላናዉኒ አቶቴላ ዳማና
አሳቱዋ ማዳናው ያሳይ ከቴዳ አያናቱዋ ጊዲኪኖዬ?

2

ዎልቃማ አንጂዋ

1 ሃዋ ዲራው፥ ኦኒ ሲሴዳ ቱሙ ዩዉዋ፤ ሱጌቲ ዎራ ቤና ማላ፥ ሃ ዩዉዋ ሎይሴ ኦይቃናው ቤሴ። 2 አዪሲ ጎፔ፥ ኪታንቻቱ ኦይዳ ቃላይ ቱማ ጊዲያ ዲራው፥ ናቂያ ዎይ አዛዜቴና አሳይ ኡባይ ሙሬቴዳዋ ጊደፔ። 3 ያቲና፥ ኦኒ ሃ ዎልቃማ አቶቴላ ሸኔኮ ጎፔ፥ ዋኒዳ አታኔ? ጎዳይ ኮይሮ ባሬ ሁጹው ሃ አቶቴላ ኦይዳ፤ ቃሲ ኢ ኦይዳዋ ሲሴዳዋንቱ ኦሲ ጌሺዳ ኦይዳኖ። 4 ሃ ሲሴዳዋንቱ ማርካቴዳዋ ቦላ ያሳይካ ማላ፥ አራላባኔ ዲማ ዲማ ማላታ ከቴቲያዋን ጉጂ ማርካቴዳ፤ ቃሲ ጌሻ አያና ኢሙዋካ ባሬ ኮዩዳዋዳን፥ ጊሺ ጋሌዳ።

አቶቴላው ካሌሲያዋ

5 አዪሲ ጎፔ፥ ያሳይ ኦኒ ሃሳዪያ ሲንላፔ ያና አላሚያ፥ ኪታንቻቱዋ ሞዲሲቤና። 6 ሺን ያሳ ማፃፋይ ኢቲ ሳን ሃዋዲን ያጌ፤

«ያሳው፥ ኔኒ አሳዋ ቆፓናው አሳይ አዬ?

ዎይ ኔኒ አው ሂርጋናው ኢ አዬ?

7 ኔኒ ኪታንቻቱዋፔ
አማራዳ ዋዲያ አ ጉፋዳ።

አ ሁጲያንካ ቦንቹዋኔ
ሳባ አኪሊሊያ ዋፋዳ።

8 ቃሲ ኡባባ አ ጌዲያፔ ጋርሳና
ዋፋዴ ሞዲሳዳ።

ያጌ። አዪሲ ጎፔ፣ ያሳይ ኡባባካ አ ሞዲሴዳዋደን አኒ ሞዴቲቤናዊ አያይኔ ባዋ፤ ሺን ሃዒ ኡባባይ አው ሞዴቲያዊ ኑሲ ቤቴና። 9 ሺን ኑኒ ዬሱሳ ቤዔቶ፤ ዬሱሲ ያሳ አቶ ኬካቴላ ባጋና አሳ ኡባው ሃይቃና ማላ፣ አማራዳ ዋዲያ ኪታንቻቱዋፔ ጋርሳ ጌዴዳ። ቃሲ ሃይቁዋ ዋዪያ ኢ ዋዬቴዳ ዲራው፣ ፖዒያ ቦንቹዋኔ ሳባ አኪሊሊያ ዋፋዳዋ ሃዒ ኑኒ ቤዔቶ። 10 ያሳይ ኡባባ ሜዴዳዊ፣ ኡባባካ ናጌያዊ፣ ዬሱሲ ዳር ናና አሂዴ፣ ባሪናና ቦንቹሳና ማላ፣ ዋዪያ ባጋና ዬሱሳ ባላይ ባይናዋ ኦፊዳዋ ቤሴ፤ አዪሲ ጎፔ፣ ሄ ናና አቶቴላው ካሌሊያዊ ዬሱሳ።

11 አዪሲ ጎፔ፣ አሳ ጌሺያ ዬሱሳወካ ቃሲ ሄ ጌዬዳ አሳ ኡባወካ አዉ አቱዋ። ዬሱሲ ኡንቱንታ፣ «ታ አሻቱዋ» ጌዴ ዬላቴናን ጸሲያዊ ሃዋሳ። 12 ዬሱሲ፣

«ታኒ ኔ ሱንላ ታ አሻቶ አዋጅና።
ማባራ ሺቁዋንካ ኔና ጋላታና»

ያጌ። 13 ቃሲ ኢ፣ «ታኒ ታ አማኑዋ ያሳን ዋፋና» ቃሲካ፣ «ያሳይ ታው አሜዳ ናናቱዋና ታኒ ሃዋን ዴዓይ» ያጌ።

14 ናና ጌዴ ኢ ጸሲያዋንቱ፣ አሹዋፔኔ ሱላፔ ሜዴቴዳ አሳቱዋ ጌዲያ ዲራው፣ ዬሱሲ ባሬ ሁጲው ኡንቱንታ ማላቲዴ፣ ኡንቱንቱ ሜዴታ አኩዳ፤ ቃሲ ኢ ሄዋ ኦፊዳዊ፣ ፃላሂያ ካፑዋ ሃይቁዋ ቦላ ማታይ ዴዒያዋ ባሬ ሃይቁዋን ቶዪሳናሳ። 15 ቃሲ ባሬንቱ ዴዑዋ ኡባን ሃይቆ ያዪዴ፣ ሃይቆ አይሌቲዴ ዴዒያዋንታ ኡባቱዋ አይሌቴላፔ ኬሴዳ።

16 አዪሲ ጎፔ፣ አብራሃማ ዛሪያ ኢ ማዲያዋፔ አቲን፣ ኪታንቻቱዋ ማዴናዊ ኤሬቴዳ። 17 ሄዋ ዲራው፣ አሳ ናጋራይ አቶ ጌቴታና ማላ፣ ያሳ ኪታን አማኔቴዳ ማሪያ ቄሳቱዋ ኡባቱዋ ካፑዋ ጌዳና ማላ፣ ኡባባኒ ኢ ባሬ አሻቱዋ ማላታናው ቤሴ። 18 አዪሲ ጎፔ፣ ኢ ባሬ ሁጲው ፓጩቴዳ ዲራዉኔ ዋዬቴዳ ዲራው፣ ፓጩቴያዋንታ ማዳናው ዳንዳዬ።

3

ዩሱሲ ሙሴ፤ ሶላ

1 ሕዋ ዲራው፡ ያሳይ ያሳይ ገሻ አሻቶ፡ ኑ ማርካቴላ ያሳይ ከቴዳዋ ቁሳቱዋ ኡባቱዋ ካፑዋ፡ ዩሱሲ ከሪሰቶሳ ቆፒቴ።
 2 ሙሴ ባሬ ከታን ያሳ ጎሊያ ኡባን አማኔቴዳዋ ገዴዳዋዳን፡ ዩሱሲካ ባሬና ዶሪዳ፡ ሃ ኦሶ ዩዴዳ ያሳው አማኔቴዳዋ። 3 አዩሲ ጎፔ፡ ከጻቴያ ጎሊያ፤ ከጻቴያ ቢታኒ ቦንቹቴያዋዳን፡ ሙሴዋ፤ አጲያ ቦንቹዋ ኢ አካናው ቤሲያዌ ኤሬቴዳዋ። 4 አዩሲ ጎፔ፡ ጎሊያ ኡባ ከጻዳዌ አቴ አሳ፤ ሺን ኡባባ ከጻዳዌ ያሳ። 5 ሙሴ ያሳ ጎሊያ ኡባን አማኔቴዳ ኦሳንቻ ገዴዳ፡ ያሳይ ሲንላ፤ ጋናዋ ማርካቴዳ። 6 ሺን ከሪሰቶሲ ያሳ ጎሊን ናዳዳን አማኔቴዳዋ፤ ኑኒ አካና ገዴ ናቬቻን ናገያዋ ፃላቴላኒኔ አማኑዋን ናጎ፤ ያሳው ጎሊያ ገዴቶ።

ያሳ አሳይ ሽምፑዋ ደማና

7 ሕዋ ዲራው፡ ገሻ አያናይ ሕዋዳን ያገ፤
 «ያሳ ቃላ ሂንቴንቱ ሃቹ ሲሲያባ ገደ፤
 8-9 ሂንቴንቱ አዎቱ ታው ኢዲ ማካሊዳ፡
 አይታው ላይላ ታ ኦሶዋ ቤዔዳ ባዙዋ ፓጪያ ጋላሳዳን፡
 ሂንቴንቱካ ዘሪያ አከናን ኢያፒቴ።
 10 ሕዋ ዲራው፡ ታኒ
 ሕ አሳ ሃንቁታዳ፡
 «ኡንቴንቱ ኡባ ዎዴ ባሬንቱ ዎዛናን ባሊና።
 ታ ኦገያካ ኤሪቤይኪና) ያጋዲ።
 11 ሕዋዳንካ ቃሲ፡
 ታኒ ሃንቁታ ጫቃዳ፡
 «ታኒ ሽምፒያሳ ኡንቴንቱ
 ኡባካ ጌሊኪና) ያጋዲ»
 ያገ።
 12 ታናዳን አማኒያዋንቶ፡ ዴዑዋ ያሳ፤ ሂንቴንታ ሻኪያ አታ አማኔና ዎዛናይ ሂንቴናን ኦናኒኔ ዴዔና ማላ ናፔቴ። 13 ሺን ያሳይ ሂንቴንታ ኡባ ጋላሲ ሃቹ ገዴ ያሲሺን፡ ሂንቴ፤ ኦናኔ ናጋራይ ባሌሊና፡ ዘሪያ አከናን ኢጻና ማላ፡ አቱ አቱዋ ዘሪቴ። 14 አዩሲ ጎፔ፡ ኑኒ ኮይር ኑሲ ዴዒያ አማኑዋ ዉርሴላይ ጋካናው ሎይሊ ናጎ፤ ከሪሰቶሳና አቴ፤ ሻካና። 15 ያሳ ማፃፋይ፡
 «ያሳ ቃላ ሂንቴንቱ

ሃቼ ሲሲያዎ ገደፔ፣
ሄ ዎዴ ኡንቱንቱ ኢዲ ማካሌዳዎዳን፣
ዘሪያ ኣከናን ኢደፒቱ»
ያጌዳ።

16 ያሳይ ገያዎ ሲሲዴ፣ ኣው ማካሌዳ ኣሳቱ ኦኔ? ሙሴ ጌብጻፔ ካሌሲና ኬሴዳ ኡባቱዎ ገዲኪኖዬ? 17 ያሳይ ኦይታሙ ላይሳ ኦናን ሃንቄቲዴ? ኣኃይ ዎራን ኣቲዳ ኣሳቱዎ፣ ናጋራ ኣሉዳዎንታ ገዲኪኖዬ? 18 ቃሲ ያሳይ ባሬው ኣዛዘቲናን ኢዳዎንቱ ኢ ሸምፒያ ሳዓ ኡባካ ጌሌና ማላ፣ ኡንቱንቱሲ ጫቄዳዎፔ ኣቲን፣ ኦሲ ጫቄዴ? 19 ኡንቱንቱ ኣማኒቤና ዲራው፣ ሸምፒያሳ ጌላናው ዳንዳዪቤናዎ ኦኒ ቤዔቶ።

4

1 ሲሚ ያሳይ ኦና ባሬ ሸምፒያሳ፣ «ጌሊሳና» ጌዳዌ ቢራ ገደፔ፣ ሂንቲፔ ኦኒኔ ሄ ሸምፒያሳ ጌሊናን ኣቲና ማላ ናጌቶ።
2 ኣዪሲ ጎፔ፣ ኡንቱንቱ ዎንጋላ ሚሺራቹዎ ሲሴዳዎዳን፣ ኦኒካ ሲሴዳ፤ ኡንቱንቱ ሲሴዲና፣ ሸን ኣማኒዴ ኣከቤና ዲራው፣ ኣይኔ ኡንቱንታ ጎዲቤና። 3 ገደፔካ፣ ያሳ ኪታይ ሳዓይ ሜዴቶዴፔ ደሚና ፖሌቲዳዎ ገደፔኔ፣ ያሳይ፣
«ታኒ ሃንቄታ ጫቃዴ፣

«ኡንቱንቱ ታኒ ሸምፒያሳ ኡባካ ጌሊኪና» ያጋዲ»
ጌዳዎዳን፣ ኦኒ ኣማኔዳዎንቱ ኢ ሸምፒያሳ ጌላና። 4 ኣዪሲ ጎፔ፣ ላፑንላ ጋላሳባ ኢቲሳዓን ያሳ ማፃፋይ፣ «ያሳይ ላፑንላ ጋላሳን ባሬ ኦሱዎ ኡባፔ ሸምፔዳ» ያጌዳ። 5 ቃሲ ሄ ሳዓን፣ «ኡንቱንቱ ታኒ ሸምፒያሳ ኡባካ ጌሊኪና» ያጌዳ። 6 ዎንጋላ ሚሺራቹዎ ኮይሮ ሲሴዳዎንቱ ኣዛዘቲቤና ዲራው፣ ሸምፑዎ ሳዓ ጌሊቤይኪኖ፤ ኢቲ ኢቲ ኣሳቱ ያ ጌላናዎንቱ ዴዲና። 7 ያሳይ ዳሮ ዎዲያፔ ጉዪያን፣ ዳዊታ ባጋና ላዒንሎዎ ኢቲ ጋላሳ፣ «ሃቼ» ገያ ቃላን ከሬዴ፣

«ያሳ ቃላ ሂንቲፔ ሃቼ ሲሲያዎ ገደፔ፣
ዘሪያ ኣከናን ኢደፒቱ»
ያጌዳ። 8 ያሳይ ሸምፒያሳ ኣሳ ኣፊዴ ኢያሱ ሸምፒሴዳዎ ገዲንቶ፣ ያሳይ ሃራ ጋላሳዎ ጉዬ ከሬና። 9 ሄዎ ዲራው፣ ያሳ

3:15 ማዘ 95:7-8 3:16 ገይ 14:1-35 4:3 ማዘ 95:11 4:4 ዳዎ 2:2 4:5 ማዘ 95:11 4:7 ማዘ 95:7-8 4:8 ዛር 31:7፤ ኢያ 22:4

አሳው ሳምባታ ሽምጥ ናጌቲ ኡቲዳ። 10 አዪሲ ጎፔ፣ ያሳይ ሽምጥያሳ ጌሊያ ኦኒኔ፣ ያሳይ ባሬ ኦሱዋፔ ሽምጥዳዋዳን፣ ኢካ ባሬ ኦሱዋፔ ሽምጥ። 11 ሲሚ ኢሰራዔሊያ አሳይ አዛዜቲናን ኢዲዳ፣ ያሳና ኢቲፔ ሽምጥያሳ ጌሌናን አቲዳዋዳን፣ ኑፔ ኦኒኔ ሄዋ ማላ ኢፀዋን ያ ጌሌናን አቲና ማላ ሚኖይቲ።

12 አዪሲ ጎፔ፣ ያሳ ቃላይ ሚዲናው ዴዲያዋኔ ኦሊያዋ፤ ላዑ ባጋና ሌፊቲዳ ማሻፔካ አዲዳ ኩሴ። ሄ ቃላይ ሽምጥኔ አያናይ፣ ኩሪኔ ኮልዚ ኢቲፔ ጋኬቲያሳ ሻካና ጋካናው ጫዳ። ቃሲ አሳ ዋዛናን ዴዲያ ኮሻኔ ቆፋ ኢ ሻኬ። 13 ኑኒ ኦሊያዋ ዋቺያ ያሳ ሲንሳን ኡባባይካ ቤቲያዋፔኔ ቆንጨያን ዴዲያዋፔ አቲን፣ አ አይፊያን ጌሚያ ሜዴታይ አያይኔ ባዋ።

ዩሱሲ ቄሳቲዋ ኡባቶ ዋልቃማ ካፑዋ

14 ሲሚ ሳሉዋ ቤዳ፣ ቄሳቲዋ ኡባቲዋ ዋልቃማ ካፑ፣ ያሳ ናዓይ ዩሱሲ፣ ኑሲ ዴዲያ ዲራው፣ ኑ አማኑዋ ሎይሊ ናጌቶ። 15 አዪሲ ጎፔ፣ ኑ ቄሳቲዋ ኡባቲዋ ካፑ ኑኒ ዳቡሪያ ዋዴ ኑሲ ቃሬታናው ዳንዳዬ፤ ናጋራ ኢ ኦሊቤናዋፔ አቲን፣ ኑናዳን ኡባባንካ ፓጩቲዳ። 16 ሲሚ ኑና ኮሺያ ዋዴ ማዲያ ማሮቲላ አካናወኔ አዶ ኬካቲላ ዴማናው፣ አዶ ኬካቲላይ ዴዲያ ሳሳ ያሳ አራታኮ፣ ያዩናን ሺቆይቲ።

5

1 ቄሳቲዋ ኡባቲዋ ካፓቲ ሁጲያን ሁጲያን ባሬ አሳ ጊዶፔ ደሬቲዳ፣ ሄ አሳ ጊሻታው ያሳው ኦላናው፣ ኢሙዋ ኢማናወኔ ናጋራ ያርሹዋ ያርሻናው ሱንጮቲዲና። 2 ኢ ባሬ ሁጲው ዳቡራንቻ ጊዲያ ዲራው፣ ታማሪቤናዋንቶኔ ባሊያዋንቶ ቃሬታናው ዳንዳዬ። 3 ሄዋ ዲራው፣ ሄ ቄሳቲዋ ኡባቲዋ ካፑ አሳ ዲራው ያርሹዋ ያርሺያዋዳን፣ ባሬ ሁጲ ናጋራ ዲራወካ ያርሻናው ቤሴ።

4 ያሳይ አርና ቄሳቲዋ ኡባቲዋ ካፑዋ ጊዳና ማላ ያሴዳዋዳን፣ ያሳይ ያሳናፔ አቲን፣ ኦኒኔ ቄሳቲዋ ኡባቲዋ ካፑዋ ጊዲያ ቦንቹዋ ባሬው አካናው ዳንዳዬና። 5 ሄዋዳንካ፣ ኪሪሰቶሲ ቄሳቲዋ ኡባቲዋ ካፑዋ ጊዲያ ቦንቹዋ ባሬው አኪቤና፤ ሺን ያሳይ አ፣ «ኑኒ ታ ናዓ።

ታኒ ሃቺ ኔው አወዋ ጊዲዲ» ያጌዳ። 6 ሄዋዳንካ ቃሲ ሃራሳን፣

4:10 ዶዎ 2:2 5:3 ዋግ 9:7 5:4 ኬስ 28:1 5:5 ማዝ 2:7

«ማልኪ-ዲዳቂ * ቁሳ ጊዳዳዋዳን፤
ኔኒካ ሜዲናው ቁሳ ጊዳና»

ያጌዳ።

7 ዬሱሲ ሳዓን ዳዒያ ዎዴ፣ ባሬና ሃይቁዋፔ አሻናው ዳንዳዪያ ያሳ ሎይሲ ዬኪዳኔ እሮዲዳ ዎሴዳኔ ኦቼዳ፤ ያሳይ ኦ ዎሳ ሲሴዳዋ፣ ኢ ባሬና ቶቼዳዋሳኔ ኣው ያዬዳዋሳ። 8 ዬሱሲ ያሳ ናዓ ጊዳፔኔ፣ ባሬ ዋዬቴዳ ዋዪያን ኣዛዜቲያዎ ታማራዳ። 9 ዬሱሲ ባሬ ኦሱዋ ፖሌዳ ዎዴ፣ ባሬው ኣዛዜቲያ ኡባው ሜዲና ኣቶቴላ ዳማናው ጋሶ ጊዳዳ። 10 ቃሲ ያሳይ ማልኪ-ዲዳቂ ሱንላቴላዳን፣ ቁሳቴዋ ኡባቴዋ ካፑዋ ጊዳና ማላ፣ ኣ ሱንሌዳ።

እሳይ ባለናዳን ኦዴቴዳ ሚኖ ኦዲዋ

11 ኦኒ ሃ ዬወዋን ሃሳያናባይ ዳሮባይ ዳዔ፤ ሺን ሂንቴንቱ ኣከካናው ኣዛላ ጊዲያ ዲራው፣ ሂንቴንቱሲ ኦዲ ጌለሳናው ዋዪሴ። 12 ኣዪሲ ጎፔ፣ ሂንቴንቱ ሃ ዎዲያን ታማራሲያዋንታ ጊዳናው ቤሶፔካ፣ ያሳ ቃላ ኮይሮ ቲሚርቲያ ሂንቴንታ ዛሪ ታማራሲያ ኢቲ ኡራ ኮሺ፤ ሂንቴንታ ኡሺያ ማላ ኮሺፔ ኣቲን፣ ጮሚያ ቁማ ኮሺና። 13 ማላ ፓኬቲዳ ዳዒያ ኦኒኔ ጋጪኖ ናዓ ጊዲያ ዲራው፣ ያሎቴላ ቲሚርቲያዎ ኤሬና። 14 ሺን ሚኖ ቁማይ ኢታኔ ኬካ ዳዑዋ ዳሩዋን ሻኪ ኤሬዳ ዎዛናማ ኣሳሳ።

6

1-2 ሄዋ ዲራው፣ ኪሪሰቶሳ ቲሚርቲያ ቢሮ ዶሚያዎ ኣጊዳ፣ ዎዛናማ ኣሳ ቲሚርቲው ሲንላው ቦይቴ፤ ኮይሮ ኦኒ ታማራናው ኮሺያ ቲሚርቲያ ዎዲ ኤቂዳ ታማራናው ኦሲ ቤሴና፤ ሄ ቲሚርቲ ኣዬ ጎፔ፣ ማዴና ኦሱዋፔ ሲሚያዎ፣ ያሳ ኣማኒያዎ፣ ዲንቃታቴዋባ፣ * ኮሺያ ዎሉዋባ፣ ሃይቁዋፔ ዳንዲዋባኔ ሜዲና ፒርዳባ። 3 ያሳይ ኦሊቴ ጎፔ፣ ሄዋ ኦኒ ኦላና።

4-5 ኣዪሲ ጎፔ፣ ኢቶዴካ ፖዑ ፖዔዳዋንታኔ ሳሉዋ ኢሙዋ ባሪ ቤዔዳዋንታ፣ ቃሲ ጌሻ ኣያናካ ሻኪ ኣኬዳዋንታኔ ያሳ ቃላይ ሎዓ ጊዳዳዋ ሲሲ ኤሬዳዋንታ፣ ሲንላፔ ያና ሳዓ ዎልቃካ ቦቹ ያሌዳዋንታ፣ 6 ሄዋፔ ጉዬ ሲሚዳ ካዳዳዋንታ ናጋራፔ ሳዔንሉዋ ዛራናዌ ዳንዳዬቴና። ኣዪሲ ጎፔ፣ ሄዋንቱ ያሳ ናዓ ማሰቃሊያ

* 5:6 ማልኪ-ዲዳቂ፣ ሃ ሱንላይ ኤጫ ጫቁዋን ያሴቴዳዎ፣ ኢ ቁሳ ኣሮኔፔ ካሴና ዳዔዳዌ ኤሬቶ ዲራሳ። ኣ ጉዬ ዛሪያባሴ ኣ ሃይቁዋባሲ ኣይኔ ጌቴቶዋ ባዎ። 7:3፤ ዶዎ 14:17-20 ያለቴ። 5:6 ማዝ 110:4 * 6:1-2 ዲንቃታቴዋባ፣ ሜቻቴዋባ ጊያዎ ጊዲዳ ጌሻቴላባ ግሪከን ዲማ ዲማ ዎጋ ጊዲያዎ ቤሴ።

ቦላ ሚሲማሪያን ጲሺዴ ካቂያዋንታኔ አሳ ሲንላን ካዉሺያዋንቱ ማላ።

7 ኡባ ዋዴ ቡኪያ ኢራ ኡሺና፣ ጎሼዳ ኡራ ጎዒያ ካላ ሞኪያ ቢታ ያሳይ አንጄ። 8 ሺን ቡሉዋኔ ቡዙዋ ሞኮፔ፣ አይኔ ጎዔና፤ ሽቃው ሸቂ ኡቴዳ። ቃሲ ዉርሴላን ጉዳታና።

9 ሺን ኑ ሲቃቶ፣ ኑኒ ሃዋዳን ሃሳዪያዋ ጊዶፔ፣ ሂንቴንቱ አቶቴላው ጊዲያ ሎዖባይ ሂንቴንቱሲ ዴዒያዋ ኤሬቶ። 10 አዪሲ ጎፔ፣ ሂንቴንቱ ኦሌዳ ኦሱዋኔ ቃሲ አማኒያዋንታ ማዴዳዋኒኔ ሃዒካ ማዲያዋን ያሳ ሲቁዳ ሲቁዋ ያሳይ ደጋናው ማካላ ጊዴና። 11 ሂንቴንቱ ሁጲያን ሁጲያን ዴማና ጊዴ፣ ሂደታን ናጊ ኡቴዳ ኩሚንላ ቱማቴላ ዉርሴላይ ጋካናው፣ ካሴዋዳን ሚኒሲዴ ኦላና ኩላ አሞቴቶ። 12 ያሳይ ኢማና ጌዳዋ አማኑዋኒኔ ጌንጫን ላቴያዋንቱ ማላ ሂንቴንቱ ጊዳናዋ ኑኒ ኮዪያዋፔ አቴን፣ አዛላ ጊዳናዋ ኮዮኮ።

ያሳይ ኢሜዳ ሂደታይ ሲጲሴናዋ

13 ያሳይ አብራሃሞ ኢማና ጊዴ ጫቂዳ ዋዴ፣ ባሬፔ አጲያ ዋልቃማይ ባይና ዲራው፣ ባሬ ሁጲያን ጫቂዳ። 14 ያሳይ አ፣ «ታኒ ኔና አንጃና፤

ኔ ዜሬላካ ጮሪሳና»

ያጊዴ ጫቂዳ። 15 ሄዋዳንካ፣ አብራሃሞ ጌንጪ ናጊዴ፣ ያሳይ ኢማና ጌዳዋ አኩዳ።

16 አዪሲ ጎፔ፣ አሳይ ባሬፔ ጶቂያ ኡራን ጫቂ፤ ቃሲ ሄ ጫቂ ፓሉሚያ ኡባካ ቱዔ። 17 ሄዋ ዲራው፣ ያሳይ ባሬ ኢማና ጌዳዋ ላታናዋንቶ ባሬ ቆፋ ኡባካ ላሚናዋ ጌሺ ኦዳናው ሎይሊ ኮዪዴ፣ ሄዌ ቱማ ጊዴዳዋ ጫቂዳ። 18 ያሳይ ዋርደታናው ዳንዳዬና ሃ ላፀ ላሜቴና ዬዋቴዋን፣ ኢ ኢማና ጌዳ ኑ ሲንላን ዴዒያዋ ኦይቃናው አኮ ባቃቴዳ ኑሲ ዋልቃማ ሚንሌሉ ዳዔ።

19 ሃ ኑኒ ዴማና ጊዴ ናሼቻን ናጊ ኡቴዳዌ፣ ኑ ሸምፖ ማርካቢያ ኦይቂያ ቃፆና ቢራታ ማላ፤ ሄ ኑኒ ዴማና ጊዴ፣ ናሼቻን ናጊ ኡቴዳዌ ኤሬቴዳ ሚኖ ጊዲዴ፣ ጋሪዲዋ † ጊዳ ጌሻሳ ጌሌ።

20 ቃሲ ዬሱሲ ማልኪ-ፆዴቃ ሱንሳቴላዳን፣ ሜጲናው ቁሳቴዋ ኡባቴዋ ካፑዋ ጊዲዴ፣ ኑ ጊሻታው ኑፔ ካሴቴዳ፣ ሄ ሳሳ ጌሌዳ።

6:8 ደም 3:17-18 6:14 ደም 22:16-17 † 6:19 ጋሪዲዋ፡ ሃዌ ዲንካኒያ ጊዲዋን ጎይናው ማዲያዋ። ሄዌካ «ጌሻሳ» ጌቴቴዳዋፔ «ጌሻፔ ጌሻሳ» ሻካናው ጎዒያዋ ጊዲዴ ቁሳቴዋ ካፖ ያላላይ ጌላናው ዳንዳዪያሳ። 6:19 ዋግ 16:2
6:20 ማዘ 110:4

7

ቄሳ ማልኪ-ዌዳቃ

1 ሃ ማልኪ-ዌዳቃ፣ ሳሌማ ካቲ፣ ኡባፔ ቦላ ያሳ ቄሳይ፣ ኣብራሃሞ ካቲቱዋ ዋዲዳ ኦላፔ ሲሚሺን፣ ኣናና ጋኬቲዳ፣ ኣ ኣንጃዳ። 2 ኣብራሃሞ ባሬ ኦሞዳዳ ኡባፔ ኣሲራታ ኬሲዳ፣ ኣው ኢሜዳ፤ ማልኪ-ዌዳቃ ሱንጻው ኮይሮ ቢሌላይ ዌሎቴላ ካቲያ ጊያዋ፤ ቃሲ ሳሌማ ካቲያ ኢ ጊዲያ ዲራው፣ ላዔላ ቢሌላይ ሳሮቴላ ካቲያ ጊያዋ። 3 ማልኪ-ዌዳቃው ዲያ ዋይ ኣው፣ ዋይ ኣው ዛሬያ ፓይዱ ባዋ፤ ቃሲ ኣ ዩሌታው ደሜላይ ዋይ ኣ ሃይቆ ዉርሴላይ ባዋ፤ ሺን ያሳ ናዓ ማላቲዳ፣ ሜዲናው ቄሳ ጊዳዳ።

4 ኑ ኣዎቱዋ ካፑ ኣብራሃሞ ኦላን ኦሞዲዳ፣ ኣሄዳዋፔ ኣሲራታ ኢሜዳ ማልኪ-ዌዳቃ ኣይ ኬና ቶቁ ጊያዋንቶ ቤዒቲ። 5 ቄሳ ጊዲያ ሌዊያ ዛራቱ ኢሰራዔሊያ ኣሳፔ፣ ሄዌኔ ባሬንቱ ጋዴ ኣሳፔ ሃራይ ኣቶ ኡንቱንቱ ኣብራሃሞ ዛሬ ጊደፔ፣ ኣሲራታ ኣካና ማላ፣ ሂጊያን ኣዛዜቲዲና። 6 ማልኪ-ዌዳቃ ሌዊያ ዛሬ ጊዳና፤ ሺን ኣብራሃሞፔ ኣሲራታ ኣኪዳ፣ ያሳይ ኢማና ጌዳዋ ናጊያ ኣብራሃማ ኣንጃዳ። 7 ቃሲ ኣንጃያዋ ኣንጃቲያዋፔ ቶቁ ጊያዋ ፓሌንፍና።

8 ኢቲ ባጋና፣ ሃይቁያ ኣሳይ ኣሲራታ ኬሴ፤ ሺን ሃራ ባጋና ቃሲ፣ ሃይቁና ጊዳ ማርካቲያ ኡራይ ኣሲራታ ኬሴ። 9 ሃዋዲን ሃሳያናው ሃራይ ኣቶ፣ ኣሲራታ ኬሴያ ሌዊካ ኣብራሃሞ ባጋና ኣሲራታ ኢሜዳ። 10 ኣዩሲ ሳፔ፣ ማልኪ-ዌዳቃ ኣብራሃሞና ጋኬቲያ ዋዳ፣ ሌዊ ቢሮ ዩሌቲቤና፤ ሺን ባሬ ዛሬያ ኣብራሃማ ጉልባታን ዳዔ።

11 ኢሰራዔሊያ ኣሳው ሂጊ ሌዊያ * ዜሬላቱዋ ቄሴቴላ ባጋና ኢሜቴዳ። ሄ ቄሴቴላ ኪታይ ባላይ ባይናዋ ጊደፔ፣ ኣሮናዋ ማላ ጊዳናን ማልኪ-ዌዳቃ ማላ ሃራ ቄሳይ ሱንጻታናው ኣዩሲ ኮሺ? 12 ኣዩሲ ሳፔ፣ ቄሴቴላይ ላሜቲያ ዋዳ፣ ሂጊካ ቃሲ ላሜታናው ኮሺ። 13 ሃ ዩዉ ሃሳዩቴዳ ኡራይ ሃራ ዛሬ፤ ኣ ዛሬያፔ ኦኒኔ ያርሺያሳን ቄሳዲን ኣሉቤና። 14 ኑ ጎዳይ ዩሁዳ ዛሬያፔ ዩዳዋ ኤሬቴዳዋ ጊዲያ ዲራው፣ ሙሴ ቄሳቱዋሳ ሃሳዩዳ፣ ሄ ዛሬያባ ኣይኔ ሃሳዩቤና።

ከሪስቶሲ ማልኪ-ዌዳቃ ማላ ቄሳ

7:1 ደዎ 14:17-20 7:5 ፓይ 18:21 * 7:11 ሌዊያ፣ ሃ ሱንጻ ዌሴቲያዋንቱ ቄሳቱዋፔ ኣንቱንታ ማዲያዋንቱፔ ደራቴዳዋንታ።

15 ማልኪ-ዳዳቃ ማላ ሃራ ቁሳይ ዩዳዋ ጊዲንቶ፣ ሃዌ አዲዳ ኤሬታናዋ። 16 ኢ አሳ ሂጊያኒኔ ዋጋን ቁሳ ጊዲቤና፤ ሺን ዉሪና ደዑዋ ዋልቃን ቁሳ ጊዳዳ። 17 አዪሲ ጎፔ፣ ያሳ ማፃፋይ፣

«ማልኪ-ዳዳቃ ቁሳ ጊዳዳዋዳን፣ ኔኒካ ሜዲናው ቁሳ ጊዳናዋ»

ያጊዳ ማርካቱ። 18 ቤኒ ዳዲያ ሂጊ ላፋኔ ማዳናዋ ጊዲያ ዲራው አቴዳ። 19 አዪሲ ጎፔ፣ ሙሴ ሂጊ አያኔ ባላይ ባይናዋ ኦላናው ዳንዳዬና፤ ቃሲ ኑኒ አ ባጋና ያሳኮ ሺቃና ጊዳ ናሼቻን ናጊ ኡቴዳ ኡባፔ አዲያዌ ዬዳ።

20 ሄዋ ቦላን ቃሲ ያሳ ጫቁካ ዳዔ፤ ሃራቱ ቁሳ ጊዳዳ ዋዳ፣ ሄዋ ማላ ጫቁ ባዋ። 21 ሺን ዬሱሲ ጫቁዋን ቁሳ ጊዳዳ፤ ያሳይ አ፣

«ጎዳይ ጫቁዳ፤ ኢ ባሬ ቆፋ ለሚና።

«ኔኒ ሜዲናው ቁሳ ጊዳና» ጌዳ»

ያጊዳ። 22 ሄዋ ዲራው፣ ዬሱሲ ኡባፔ አዲያ ጫቆ ዋሴ ጊዳዳ።

23 ካሴ ቁሳቱዋ ፓይዲ ጮራ፤ አዪሲ ጎፔ፣ ኡንቱንቱ ኦላና ኦሱዋ ሃይቁ ዲጌዳ። 24 ሺን ዬሱሲ ሜዲናው ዳዲያ ዲራው፣ አ ቁሴቴላይ ለሚቴና። 25 ሄዋ ዲራው፣ ኢ ኡንቱንቱ ጊሻታው ጋናታናው ሜዲናው ዳዲያ ዲራው፣ ያሳኮ ባሬ ባጋና ዩያዋንታ ኡባቱዋ አሻናው ዳንዳዬ።

26 ኦሲ ጊጊያ ሃዋ ማላ፣ ቁሳቱዋ ኡባቱዋ ካፔ ዳዳናው ኮሼ፤ ኢ ጌሻ፤ አኒ ጌኒኔ ካዴሊያባይ ባዋ፤ ናጋራንቻቱዋና ኢ ጋኬቴና፤ ቃሲ ዳቃ ሳሉዋንካ ኢ ቦንቼቴዳ። 27 ሃራ ቁሳቱዋ ኡባቱዋ ካፓቱዋዳን፣ ኢ ኮይሮ ባሬ ሁጹ ናጋራሲ ያርሺዳ፣ ቃሲ ጉዬፔ አሳ ናጋራሲ ሃቼ ሃቼ ያርሻናው ኮሼና፤ ኢ ባሬና ያርሺዳ ዋዳ፣ ለዓንጮናን ኢቲ ጌዳ ያርሺዳ። 28 አዪሲ ጎፔ፣ ሙሴ ሂጊ ዳቡራንቻ አሳ ቁሳቱዋ ኡባቱዋ ካፔዋ ኡዲዳ ሱንጮ፤ ሺን ያሳይ ኢማና ጊዳ ጫቁዳ ሂጊያፔ ጉዬ ዩዳ ቃላይ ሜዲናው ባላይ ባይናዋ፣ ያሳ ናዓ ሱንጮ።

8

ዬሱሲ ኦራላ ቃላ ጫቁዋ ቁሳቱዋ ኡባቱዋ ካፔዋ

1 ኑኒ ሃሳዪያ ዋልቃማባይ ሃዋ፤ ሳሉዋን ኡባፔ ቦላ ያሳይ ኡቲያ ካዉቴላ አይዲያፔ ኡሼቻ ባጋና ኡቴዳ ቁሳቱዋ ኡባቱዋ

7:17 ማዘ 110:4 7:21 ማዘ 110:4 7:27 ዋግ 9:7

ካፑ፣ ሃዋ ማላይ ኑሲ ደዔ። 2 ጌሻ ሳዒኒኔ ቱሙ ዲንካኒያን ኢ ኦሌ፤ ሄ ዲንካኒ ኣሳይ ኤሴዳዋ ጊደናን፣ ያሳይ ኤሴዳዋ።

3 ቁሳቱዋ ኡባቱዋ ካፑ ኡባይ ኢሙዋኔ ያርሹዋ ያሳው ኢማናው ሱንሌቱዳ ዲራው፣ ሃ ቁሳቱዋ ኡባቱዋ ካፖካ ያርሻናው ኢቲባይ ደዓናው ኮሼ። 4 ሲሚ ሳዒን ኢ ደዒያዋ ጊደፑ፣ ኡባካ ቁሳ ጊደና፤ ኣዩሲ ጎፑ፣ ሂጊ ኣዛዚያዋዳን፣ ኢሙዋ ኢሚያ ቁሳቱ ደዒኖ። 5 ኡንቱንቱ ቁሳቱዋዳን ኦሊያ ኪታይ ሳሉዋን ደዒያ ኦሶ ቱሙ ለሚሱዋኔ ኤሹዋ፤ ኣዩሲ ጎፑ፣ ሙሴ ዲንካኒያ ኤሳና ሂኒሺን፣ ያሳይ ኣ፡ «ኣኩካ፤ ኡባባካ ታኒ ኔና ደሪያ ሁጺያን ቤሴዳ ለሚሱዋ ካላዳ ኦላ» ያጌዳ። 6 ሺን ዩሱሲ ጋናቲያ ጫቁ ካሴዋፕ ኣጲያዋዳንካ፣ ኣው ኢሜቲዳ ኦሱካ ኡንቱንቱዋፕ ኣጴ፤ ኣዩሲ ጎፑ፣ ሄ ጫቁ ያሳይ ኢማና ጌዳ ኡባፕ ኣጲያ ኪታን ኦሴቲዳ።

7 ኣዩሲ ጎፑ፣ ኮይሮ ጫቁዋን ባላይ ባይናዋ ጊዲንቶ፣ ላዒንሶ ጫቁዋ ኮሼና። 8 ሺን ኡንቱንታ ቦሪዳ፣ ጎዳይ ሃዋዳን ያጌ፤

«ታኒ ኢሰራዔሊያ ኣሳና ኢሁዳ ኣሳና ኦራላ ጫቁዋ ጫቁቲያ ጋላሳቱ ያናዋ።

9 ሄ ጫቁ ታኒ ጊብፃ ጋዲያፕ ኡንቱንቱ ኣዋቱዋ ኩሺያ ኦዩቃዳ፣ ጎቻ ኬሴዳ ዎዳ፣ ኡንቱንቱና ጫቁቲዳ ጫቁዋ ማላ ጊደና።

ኡንቱንቱ ታ ጫቁዋን ኣማኔቲቤና ዲራው፣ ታኒካ ኡንቱንታ ኣጋዲ። ታኒ፣ ጎዳይ፣ ሃዋ ኦዳይ።

10 ኣዩሲ ጎፑ፣ ሄ ጋላሳቱዋፕ ጉዩያን፣ ታኒ ኢሰራዔሊያ ኣሳና ጫቁታና ጫቁ ሃዋ።

ታኒ ታ ሂጊያ ኡንቱንቱ ቆፋን ዎላና፤ ቃሲ ኡንቱንቱ ዎዛናንካ ፃፋና።

ታኒ ኡንቱንቱ ያሳ ጊደና፤ ኡንቱንቱካ ታ ኣሳ ጊደና። 11 ኡንቱንቱፕ ኦኒኔ ባሬ ሸሩዋ

ዎይ ባሬ ኢሻ፣ ጎዳ ኤራ፣ ያጊዳ ታማሪሴና።

ኣዩሲ ጎፑ፣ ኡንቱንቱ ናዓፕ ጨማ ጋካናው ኡባይ ታና ኤሪኖ።

12 ታኒ ኡንቱንቱ ናቁዋ ማራና፤ ኡንቱንቱ ናጋራካ ላዒንሶ ሃሳዩኬ» ያጌ። 13 ያሳይ ኦራላ ጫቁዋ ጊዳ ሃሳዩያዋን ኮይሮዋ ኤጨሴዳ፤ ቃሲ ኤጨያባዩኔ ዉሪያባይ ኤሌካ ጳያና።

9

ሳሉዋን አሴቲያ አያና አሱ ሳዓን አሴቲያ አያና አሱዋፔ አዲ

1 ኮይሮ ጫቆ ያሳው ጎዩኒያ ዋጋይኔ አሳይ አሌዳ ጌሻ ጎሊ ደዔ። 2 አዩሲ ጎፔ፣ ኮይሮ ዲንካኒ ኤቁዳ፤ አ ጊዲዋን ሙቃዳ ዋሊያዊ፣ ፃራጴዛይኔ ጎዳ ሲንሳን ዋሊያ ኡኪላይ ደዔ፤ ሄ ሳዓይ ጌሻሳ ጊዳ ፃሴቲ። 3 ላዔንሉ ጋሪዲዋ ጉዬ ባጋና ኡባፔ አዲያ ጌሻ ሳዓ ንቴቲያ ዲንካኒ ደዔ። 4 አ ጊዲዋን ኢፃና ጨዋያናው ዋርቃፔ አሌዳ ሳዒኒኔ ኡባሳና ዋርቃን ሼሼዳ ቃላ ጫቁዋ ታቦታይ ደዔ። ሄ ቃላ ጫቁዋ ታቦታን ማናይ ደዔያ ዋርቃ ፃሩ፣ አሮና ፃምዓይ አጩዳዊኔ ቃሲ ሙሴ ሂጊ ፃፊቲዳ ላዑ ማሴቲዳ ሹቻቲ ደዒና። 5 ሄ ቃላ ጫቁዋ ታቦታፔ ቦላ ባጋና አቶ ጊያ ሳዓ ቁምዒያ ባሬንቱ ቁፊያን ጌንሊያ ቦንቾ ከሩቤቱ ደዒና፤ ሺን ሃ ኡባባ ሃዒ ዉርሲ አደናው ዳንዳዮኮ።

6 ሄዋ ሄዋዳን ጊሊ ደዒሺን፣ ቁሳቲ ኡባ ዎዳ፣ ባሬንቱ አሱዋ አላናው ኮይሮ ዲንካኒያ ጌሊና። 7 ሺን ቁሳቲዋ ኡባቲዋ ካፑዋ ፃላላይ ላዔንሉ ዲንካኒያ ላይላፔ ኢቲ ጌዳ ጌሊዳ ባሬ ዲራዉኔ ኤሬናን አሳይ አሌዳ ናጋራ ዲራው፣ ያሳው ያርሺያ ሱላ አኪዳ ጌሌ። 8 ኮይሮ ዲንካኒ ኤቁ ደዒሺን፣ ኡባፔ አዲያ ጌሻ ሳዓ አፊያ ኦጊ ቢሮ ደዩቲቤናዋ ጌሻ አያናይ ሄዋን ኤሪሰ።

9 ሄ ዲንካኒ ሃ ዎዳው ሌሚሱዋ፤ ሄዋ ጊያዋ ያሳው ኢሚያ ኢሙኔ ያርሹ ጎዩኒያዋ ሱሬ ዋዛና ባላይ ባይናዋ አላናው ዳንዳዩኪና። 10 ሄዋንቱ ሙሳባ፣ ኡሻባኔ ደማ ደማ ሚቻባ ኦዲያ ካሬ ባጋ ዋጋቲዋ፤ ኡንቱንቱ ኦራዒያ ዎዲ ጋካናው አሴቲያ ዋጋቲዋ።

11 ሺን ከሪሰቶሲ ሃዋን ደዒያ ሎዎባው ቁሳቲዋ ኡባቲዋ ካፑዋ ጊዲዳ ዩዲጌዳ። ኢ ጌሊዳ አሊያ ዲንካኒ ኡባፔ አዲያዎኔ ባላይ ባይናዋ፤ ቃሲ ሄ ዲንካኒያ አሳይ አሊቤና፤ ሃ ሜዲቲዳ ሳዓባካ ጊዳና። 12 ከሪሰቶሲ ኡባፔ አዲያ ጌሻ ሳዓ ጌሊያ ዎዳ፣ ዳሻ ሱላኔ ጋሎ ማራ ሱላ ኦይቁዳ ጌሊቤና፤ ሺን ባሬ ሱላ ኦይቁዳ፣ ኑሲ ሜዲና አቶቲላ ኢሚዳ፣ ላዔሌናን ኢቲ ጌዳ ጌሌዳ። 13 ቱኔዳ አሳ ቦላ ኮሩማ ሱላኔ ዳሻ ሱላ ጫጫፊዳ፣ ጉዳቲዳ ኡሳቲ ቢዲንላ ቆለና፣ ሄ ኡራ ቱናቲላፔ ጌሻናው ዳንዳዮፔ።

9:2 ኬስ 26:1-30፤ 25:31-40፤ 25:23-30 9:3 ኬስ 26:31-33 9:4 ኬስ 30:1-6፤ 25:10-16፤ 16:33፤ ፓይ 17:8-10፤ ዛር 10:3-5 9:5 ኬስ 25:18-22
9:6 ፓይ 18:2-6 9:7 ዋግ 16:2-34 9:13 ዋግ 16:15-16፤ ፓይ 19:9፣ 17-19

14 ሜዲና ጌሻ አያና ባጋና ባላይ ባይና ያርሹዋዳን፣ ያሳው ባሬና ኢሚዳ ኪሪሰቶሲ ሱላይ፣ ኑኒ ዴቦቆ ያሳው አላና ማላ፣ ካሴ ኑ ሃይቄዳ ኦሱዋፔ ኑ ሱሬ ዋዛና ዎቲ ጌሻንዳሻ!

15 ሄዋ ዲራው፣ ያሳይ ዪሴዳዋንቱ ኢ ኢማና ጌዳ ሜዲና አንጃዋ ላታና ማላ፣ ኪሪሰቶሲ ኦራላ ጫቆ ጋናቲዳ፤ ሄዌ ሃናና ዳንዳዪያዌ፣ አሳይ ኮይሮ ጫቁዋፔ ጋርሳን ዴዲዴ ኦሌዳ ባላ አይሌቲላፔ ኬሲያ ሃይቄ ዴዲያ ዲራሳ።

16 አዪሲ ጎፔ፣ ሃይቄያ ኡራይ ዎይቲዳዌ ዴዎፔ፣ ሄ ኡራይ ሃይቆዌ ኤራታናው ኮሼ። 17 አዪሲ ጎፔ፣ ዎይቲዳ ኡራይ ሃይቄዳ ዎዴ፣ ኢ ዎይቲዳዌ ፖሌቲዳ፤ ሄ ዎይቲዳዌ ፓዓ ዴዲሺን፣ አይኔ ፖሌቲና።

18 ሃራይ አቶ፣ ኮይሮ ጫቁካ ሱላይ ባይናን አንጃቲቤናዌ ሃዋሳ። 19-20 አዪሲ ጎፔ፣ ሂጊያን ዴዲያ አዛዙዋ ኡባ ሙሴ አሳ ኡባው ኦዴዳ፤ ሄዎፔ ጉዪያን፣ ጋሎ ማራ ሱላይ ዴሻ ሱላይ፣ ሃላና፣ ዘዎ ዶርሳ ኢሲኪያናኔ ሂሶጲያ ጊያ ሚላ ቦንጨያና አቲፔ አኪዴ፣ «ሃዌ ሂንቲንታ ያሳይ አዛዜዳ ጫቁዋ ሱላይ» ያጊዴ፣ ሂጊያ ማፃፋ ቦላኔ አሳ ኡባ ቦላ ጫጫፊዳ። 21 ሄዋዳንካ፣ ዲንካኒያ ቦላኔ ኦሊያ ሚሻ ኡባ ቦላ ሱላይ ሙሴ ጫጫፊዳ። 22 ሂጊ ጊያዎዳን፣ ቱሙካ አማሬዳዎፔ አቲን፣ ኡባባይካ ሱላይ ጌዬ፤ ሱላይ ጉካና ቆዮፔ፣ አቶቲላይ ባዎ።

ኪሪሰቶሲ ያርሹቲዳዌ ናጋራ ቁጩ ቆዪሴ

23 ሄዋ ዲራው፣ ሳሉዋን ዴዲያዎንታ ማላቲያዎንቱ ሄ ያርሹዋን ጌያናው ኮሼ፤ ሺን ሳሉዋን ዴዲያዎንቱካ ባሬንቱ ሁጹው ጌያናው አዲያ ያርሹዋ ኡንቲንታ ኮሼ።

24 አዪሲ ጎፔ፣ ኪሪሰቶሲ ቱሙ ጌሻሳን ሌሚሴቲያ አሳይ ኦሌዳ ጌሻሳ ጌሊቤና፤ ሺን ኢ ሃዲ ኑ ጌሻታው ያሳ ሲንላን ቤታናው ያ ሳሉዋ ጌሌዳ። 25 ቄሳቱዋ ኡባቱዋ ካፑ ላይላን ላይላን ባሬ ሱላይ ጊዴናዎ ኦይቄዴ፣ ጌሻ ሳዓ ጌሊያዎዳን፣ ኪሪሰቶሲ ባሬና ኡባዴ ያርሻናው ጌሊቤና። 26 ሄዋ ጊዲንቶ፣ ኪሪሰቶሲ ሳሳይ ሜዴቶዴፔ ዶሚዴ ዳሮ ጌዴ ዎይታናው ኮሼ፤ ሺን ሃዲ ዎዲያ ወርሴላን ናጋራ ቆዪሳናው ባሬና ያርሺዴ፣ ላዔሌናን አቲ ጌዴ ቤቲዳ።

27 አሳይ ኡባይ አቲ ጌዴ ሃይቃናው ቤሴ፤ ሄዎፔ ጉዪያን ያሳይ አሳ ፒርዳና። 28 ሄዋዳንካ፣ ቃሲ ኪሪሰቶሲ ዳሮ አሳ ናጋራ

ቆይታናው ኢት ጌዳ ያርሼቲዳ፤ ቃሲ ኢ ባሬና ሎይሊ ናጊያዋንታ ኣሻናው ቤታናፕ ኣትን፣ ላዔንሖ ናጋራ ቶካናው ቤቴና።

10

1 ኣዪሲ ጎፔ፣ ሂጌው ያና ሎዖባ ኤሹዋ ፃላላይ ዳዔ፤ ኣው ቱሙ ለሚሱ ባዋ። ኡባ ዎዳ ላይላን ላይላን ኢት ማላ ያርሹ ያርሼቲ፤ ሄዋ ዲራው፣ ሂጊ ያሳኮ ሸቂያ ኣሳ ሄ ያርሹዋን ባላይ ባይና ኣሳ ኦላናው ኡባካ ዳንዳዬና። 2 ያሳው ጎዪኒያ ኣሳይ ባሬ ናጋራፕ ኡባና ጌዬዳባ ጊዲንቶ፣ ሱሬ ዎዛናን ላዔሉዋ ናጋራ ቆፔና፤ ቃሲ ያርሹያዎካ ኣጋና። 3 ሺን ኣሳይ ላይላን ላይላን ሄ ያርሹዋን ባሬ ናጋራ ሃሳዬ። 4 ኣዪሲ ጎፔ፣ ኮሩማ ሱላይኔ ዳሻ ሱላይ ናጋራ ቆይታናው ኡባካ ዳንዳዬና።

5 ሄዋ ዲራው፣ ኪሪሰቶሲ ሃ ኣላሚያ ያና ሃኒዴ፣ ሃዋዳን ያጌዳ፤

«ኔኒ ያርሹዎኔ ኢሙዋ ኮያቤይካ፤

ሺን ታው ቦላ ጊጊሳዳ።

6 ኔኒ ፀጊያ ያርሹዋንኒ

ናጋራ ያርሹዋን ኡባካ ናሼታካ።

7 ታኒ ሄ ዎዳ፣ ሳላ ማፃፃን ታባይ ፃፊቴዳዎዳንካ፣

ያሳው፣ ታኒ ኔኒ ኮዪያዎ ኦላናው ያዲ» ያጊዲ»

ያጌዳ። 8 ያርሹ ያርሼታና ማላ፣ ሂጊ ኣዛዚያዎ ጊዶፔ፣ ኪሪሰቶሲ ኮይሮ፣ «ኔኒ ያርሹዎ፣ ኢሞታ፣ ፀጊያ ያርሹዎኔ ናጋራ ያርሹዎ ኡባካ ኮያቤይካ፤ ሄዋንቱን ናሼታካ» ያጌዳ። 9 ሄዋፕ ጉዪያን ኪሪሰቶሲ፣ «ያሳው፣ ታኒ ኔኒ ኮዪያዎ ኦላናው ያዲ» ያጌዳ። ሄዋ ዲራው፣ ኪሪሰቶሲ ላዔንሉዋ ኤሳናው ኮይሮዋ ቆይሴ። 10 ዬሱሲ ኪሪሰቶሲ ያሳይ ኮዬዳዎ ኦላዳ ዲራው፣ ባሬ ኣሹዋ ላዔንሉናን ኢት ጌዳ ያርሼዳዎን ኦኒ ኦ ናጋራፕ ጌዪ ኣጌዳ።

11 ቂሳቱዋ ኡባቱ ሃቺ ሃቺ ኤቂዳ፣ ባሬ ኦሱዋ ኦሊና፤ ቃሲ ናጋራ ቆይታናው ኡባካ ዳንዳዬና ኢት ማላ ያርሹዋ ዛሪ ዛሪዳ ያርሹና። 12 ሺን ኪሪሰቶሲ ናጋራ ዲራው፣ ኡባ ዎዳው ጊዳዳ ኢት ያርሹዋ ያርሹዳ፣ ያሳፕ ኡሹቻ ባጋና ኡት ኣጌዳ። 13 ያሳይ ሰንላፕ ኪሪሰቶሳ ሞርኬቱዋ ኪሪሰቶሳው ጌዲያን ዬዲያዎ ኦላና ጋካናው፣ ያኒ ናጌ። 14 ኣዪሲ ጎፔ፣ ኢ ኢት ጌዳ ያርሼዳዎን፣ ናጋራፕ ጌዬዳዎንታ ሜዲናው ባላይ ባይናዎንታ ኦላዳ።

15 ቃሲ ጌሻ ኣያናይ ኦሲ ማርካቲዳ፣ ሃዋዳን ያጌ፤

16 «ታኒ ሄ ጋላሳቱዋፔ ጉዪያን፥
 ኢንቱንቱና ጫቄቲያ ጫቄ ሃዋ፥
 ታኒ ታ ሂጊያ ኢንቱንቱ ቆፋን ዋፋና፤
 ቃሲ ኢንቱንቱ ዋዛናንካ ፃፋና»
 ያጌ። 17 ቃሲ ሂዋፔ ጉዪና፥

«ታኒ ኢንቱንቱ ናጋራኔ
 ኢንቱንቱ ማካላ ኦሱዋ ላዔንሉ ሃሳዪኬ»
 ያጌ። 18 ያሳይ ሄ ናጋራ ኣቶ ጌዳ ዋዳ፥ ናጋራ ጳዪሳናው ሃዋፔ
 ሲንላው ያርሹዋ ኮሼና።

ያሳኮ ሺቃናው ኮሼ

19 ሲሚ ታናዳን አማኒያዋንቶ፥ ኩኒ ዬሱሳ ሱላ ባጋና ኡባፔ
 አጲያ ጌሻ ሳባ ጌላናው ኮሲ ያላቲላይ ዴዔ። 20 ኪሪሰቶሲ ኮሲ
 ኦራላ ኦጊያኔ ዴዐ-ዋ ኦጊያ ጋሪዲ-ዋ ባጋና፥ ሄዋ ጉሳይ ባሬ ቦላ
 ባጋና ደዬዳ። 21 ኮሲ ያሳ ጎሊን ሱንጮቲዳ ዋልቃማ ቄሳይ ዴዒያ
 ዲራው፥ 22 ኩኒ ሱሬ ዋዛናና፥ ቱሙ አማኑዋና፥ ኢታ ዋዛናፔ
 ጌዬዳ ዋዛናናኔ ቃሲ ዲሎ ሃላን ሚጨቴዳ ቦላና ያሳኮ ሺቆይቱ።

23 ኮሲ አማና ጌዳ ያሳይ አማንሊያ ዲራው፥ ኩኒ ዴማና ጊዴ
 ናሽቻን ናጊ ኡቲዳዋ ሎይሊ ኦይቆይቱ። 24 ኢቱ ኢቱዋና ዋኒ
 ሲቁታኔንቶኔ ቃሲ ሎዎ ኦሱዋ ዋቲ ኦላኔንቶ፥ ኢቱ ኢቱዋሲ ቆፕቶ።
 25 ኢቱ ኢቱ ሸቁዋ ዶያ ኡዲዴ ሸቁያዋዳን፥ ኩኒካ ኢቲፔ ሸቁያዋ
 ኣጎኮ፤ ሸን ጎዳ ጋላሳይ ማታቲያዋ ሂንቲንቱ ቤዒያ ዲራው፥ ኢቱ
 ኢቱዋ ማንጮቶ።

26 ኩኒ ቱማቲላ ኤራ ኣኪዲጊዴ፥ ኤሪዴ ናጋራ ኦሊያዋ ጊደፔ፥
 ሃዋፔ ሲንላው ናጋራ ጳዪሲያ ያርሹ ኢቲባይኔ ባዋ። 27 ሸን ያሺያ
 ፒርዳ ናጊያዌኔ ያሳ ኢጲያ ኡባ ማናው ዋልቃማ ታማይ ዴዔ።
 28 ሙሴ ሂጊው ኣዛዜቲና ኡራይ፥ ላዑ ኡራይ ዋይ ሂዙ ኡራይ
 ኣ ቦላ ማርካቶፔ፥ ቃሬቲ ባይናን ሃይቁ። 29 ያሳ ናባ ካጴዳ
 ኡራይ፥ ባሬና ናጋራፔ ጌሼዳ ያሳ ጫቁዋ ሱላ ቱናባዳን ቆፕዳ
 ኡራይ፥ ቃሲ ኣጶ ኬካቲላ ጌሻ ኣያና ቦሪያ ኡራይ፥ ኣይ ከና ኢታ
 ፒርዳ ኣካናው ቤሲንቶኔ ኣኔ ቆፒቱ።

30 ኣዪሲ ጎፔ፥ «ታኒ ሃሉዋ ኬሳናኔ ኩሺያ ዛራና» ጌዳዋ ኩኒ
 ኤሬቶ፤ ቃሲካ፥ «ጎዳይ ባሬ ኣሳ ፒርዳና» ያጌዳ። 31 ዴዐ-ዋ
 ያሳ ኩሺያን ኩንዳናዊ ዳሮ ያሺያዋ።

10:16 ኤርሞ 31:33 10:17 ኤርሞ 31:34 10:22 ዋግ 8:30፤ ሂዘ
 36:25 10:27 ኣሳ 26:11 10:28 ዛር 17:6፤ 19:15 10:29 ኬሰ
 24:8 10:30 ዛር 32:35፣ 36

32 ሂንቴንቴሲ ያሳ ፖዑ ፖዔዳዋፔ ጉዩያን፣ ሂንቴንቴ ዳርባን ዋዩቲዳ፣ ዋልቃማ ዋዴታን ገንጨዳ ቤኒ ዋዲያ ሃሳዩቲ። 33 ኢቲ ኢቲ ጌዴ ሂንቴንታ አሳ ሲንሳን ቦሬዲኖኔ ፓፃ ካዔዲኖ፤ ቃሲ ሃራ ዋዴ ሄዋዳን አጩዳዋንቴናኔ ኢቲፔ ዴዔዲታ። 34 አዩሲ ሳፔ፣ ቃሹዋን ዴዔያ አሳቱዋሲ ሂንቴንቴ ቃሬቲዲታ፤ ያቲዴ ሂንቴንቴሲ ሜዲናው ዉሬና ኡባፔ አዲያ ሻሉ ሳሉዋን ዴዔያዋ ሂንቴንቴ ሁጳው ኤሬዳ ዲራው፣ ሂንቴባ ኡባ አከዲሳፔ ሂዶታን ገንጨዲታ።

35 ሄዋ ዲራው፣ ዋልቃማ ዋዩታና ዴዔያ ሂንቴንቴ ዓላቲላ አሎፒቲ። 36 ያሳይ ኮዩያዋ ኡዲዴ፣ ኢ ሂንቴንቴሲ አማና ጌዳዋ አካናው ገንጨና ኮሼ። 37 አዩሲ ሳፔ፣ ያሳ ማፃፋይ፡

«አማራዳ ዋዲ አቲዳ፡
ዩያዌ ያናዋ፤ ጋሚዔና። 38 ታ ዓሉ አማኔቲዴ ዴዓናዋ፡

ሺን ኦኒኔ ጉዩ ሲሞፔ፣
ታና ናሼቹና»

ያጌ። 39 ኑኒ አማኔቲዴ አቲዳዋንቴ ባጋ ጊዲያዋፔ አቲን፣ ጉዩ ሲሚዴ ቆዩዳዋንቴ ባጋ ጊዶኮ።

11

አማኑዋ

1 አማኑዋ ጊያዌ፣ ዴማና ጊዴ ናሼቻን ናጊ ኡቲዳባይ አማንሊያዋኔ ቤዓናው ዳንዳዩናባ ኤሪሲያዋ። 2 ያሳይ ቤኒ ጨማ አሳው ማርካታዌ፣ ኡንቴንቴ አማኔዳዋና።

3 ሳሉኔ ሳዓይኔ ያሳ ቃላን ሜዴቲዳዋ አማኑዋን ኑኒ ኤሬቶ፤ ሄዋ ዲራው፣ ቤቲያባይ ቤቲናባፔ ሜዴቲዳ።

4 አቤል ቃዔላዋፔ አዲያ ያርሹዋ ያሳው ያርሼዳዌ አማኑዋና። ያሳይ አ ኢሙዋባ ማርካቲዳ፣ ኢ ዓሉዋ ጊዴዳዋካ ማርካቲዳ፤ አቤል ሃራይ አቶ ሃዩቄዳሺንካ፣ ባሬ አማኑዋን ሃዒ ጋካናው ሃሳዩ።

5 ሄናኪ ሃይቄናን ሳሉዋ ቤዳዌ አማኑዋና፤ ያሳይ አፌዳ ዲራው፣ ኦኒኔ አ ቤዓናው ዳንዳዩቤና። ያሳ ማፃፋይ፣ «ሄናኪ ሳሉዋ ባናፔ ካሴ ያሳ ናሼቹዳ» ያጌ። 6 አማኑ ባይናን ኦኒኔ ያሳ ናሼቻናው ዳንዳዩና፤ አዩሲ ሳፔ፣ ያሳኮ ዩያ ኦኒኔ ያሳይ ዴዔያዋኔ ባሬና ኮዩያዋንቶ ዋይታ ኢሚያዋ አማናናው ኮሼ።

10:37 እምብ 2:3-4 11:3 ዶም 1:1፤ ማዝ 33:6፣ 9፤ የህ 1:3 11:4 ዶም 4:3-10 11:5 ዶም 5:21-24

7 የሄ ቤዓናው ዳንዳዬና ሲንሳፔ ሃናናባው ያሳይ፡ «ኔና ናጋ» ገና፡ ያሳው ያዪዳ፡ ባሪናኔ ባሪ ሶይ አሳ አሻናው ማርካቢያ ማዴዳዊ አማኑቀና፤ ያቲዳ ሄቀን ሃ ሳዓ ቦላ ፐርዲዳ፡ አማኑቀን ቤቲያ ያሎቱሳካ ያሳፔ አኬዳ።

8 አብራሃም ላታናዳን፡ ያሳይ ባሪው አማና ጌዳ ጋዲያ ባና ማላ፡ ያሳይ ባሪና ያሴዳ ዎዳ፡ አዛዜቲዳዊ አማኑቀና፤ ኢ ባሪ ጋዲያፔ ኬሲዳ ቢያ ዎዳ፡ ሃቃ ቢንቶኔ ኤሪናን ኬሴዳ።

9 አብራሃም ያሳይ ባሪው አማና ጌዳ ጋዲያን ሃራ ቢታ አሳዳን ዴዴዳዊ አማኑቀና፤ ያሳይ ሄ አማና ጌዳዋ ባሪናና ኢቲፔ ላታና ዪሳቃናኔ ያዪቆባና ዲንካኒያን ዴዴዳ። 10 አዪሲ ጎፔ፡ አብራሃም ያሳይ ሎዎ ባሱቀን ቆፒዳ ኬዳዳ ካታማ ናጌ።

11 ሳራ ባሪ ሁጳው ሃራይ አቶ ኤጫዳካ፡ አማና ጌዳ ያሳይ አማኔቲዳዋ ጊዳዳዋ ኤሪዳ ዲራው፡ ናዓ ሻሃራናው ዎልቃ ዴማዳዊ አማኑቀና። 12 ሄቀ ዲራው፡ ሃይቄዳ አሳ ማላቲያ ኢቲ ቢታኒያፔ ሳሎቀን ዴዴያ ያለንቲያ ኬና፡ አባ ጋፃን ዴዴያ ፓይዳ ባይና ሻጋያ ኬና ዛሪቱ ዬሌቲዲና።

13 ሄ አሳቲ ኡባቲ አማኑቀን ሃይቄዲና፤ ባሪንቶ ያሳይ አማና ጌዳዋካ አኪቤይኪና፤ ሺን ሃኩቀን ሄቀ ቤዒዳ፡ ሳሮቲዲና። ቃሲ ኡንቲንቲ ሳዓን አማላኔ ዬዳሪሴቲዳ ኬሴዳ አሳቲዋ ጊዳዳዋ ኤሪዲና። 14 አዪሲ ጎፔ፡ ሄቀዳን ጊያ አሳቲ ባሪንቲ ሁጳ ጋዲያ ኮዪያዎ ኤሪሲና። 15 ኡንቲንቲ ሄ ዬጊዳ ኬሴዳ ጋዲያ ሲማናው ቆፐዳዋ ጊዲንቶ፡ ጉዬ ሲሚያ ካጫ ዴማናን አገኪና፤ ሺን 16 ኡንቲንቲ ሄቀ አጊዳ፡ ሎዒያ ጋዲያ ላሞቲና፤ ሄቀ ሳሎቀ ጋዲያ። ሄቀ ዲራው፡ ያሳይ ኡንቲንቲ ያሳ ጌቲታናው ዬላቴና።

አዪሲ ጎፔ፡ ኢ ኡንቲንቶ ካታማ ገጊሲ ዎሌዳ።

17-18 አብራሃም ዪሳቃ ያርሻኔንቶ ዎይ ያርሼኔንቶ፡ ያሳይ ኤራናው ዎሞሴዳ ዎዳ፡ አብራሃም አማኑቀን አ ያርሼዳ። ያሳይ አብራሃማ፡ «ኔ ዛሪ ዪሳቃ ባጋና ያሴታናዎ» ጌዳሺንካ፡ አብራሃም ባሪ ናዓ ዪሳቃ ያርሻናው ገጌዳ። 19 አብራሃም ያሳይ ዪሳቃ ሃራይ አቶ፡ ሃይቄዋፔካ ፓላናው ዳንዳዪያዎ ኤሪዳ፤ ሄቀ ዲራው፡ ሃይቄዋፔ ጉዬ አ ዛሪዳ አኬዳ።

20 ዪሳቂ ሲንሳፔ ሃናናባው ያዪቆባኔ ኤሳ አንጃዳዊ አማኑቀና።

11:7 ደም 6:13-22 11:8 ደም 12:1-5 11:9 ደም 35:27 11:11 ደም 18:11-14፤ 21:2 11:12 ደም 18:11-14፤ 21:2 11:13 ደም 23:4፤ 1ኦድ 29:15፤ ማዝ 39:12 11:17-18 ደም 22:1-14 11:20 ደም 27:27-29፣ 39-40

21 ያዪቆቢ ሃይቃና ሃኒዳ፡ ዮሴፎ ናና ሁጲያን ሁጲያን አንጃዳዊን ጋቲማን ጉፊቲዳ፡ ያሳው ጎዩኔዳዊ አማኑዋና።

22 ዮሴፎ ሃይቃናው ማቲዳ፡ ኢሰራዔሊያ አሳይ ጊብጻፔ ኬሳናዋ ሃሳዬዳዊን ባሬ ሜቄላ ኦላናባ ኡንቱንታ አዛዜዳዊ አማኑዋና።

23 ሙሴ ዩሌቴዳዋፔ ጉዩያን፡ አዉኔ አታ ማላ ሎዖ ናባ ጊዳዳዋ ቤዒዳ፡ ሄዙ አገና ቆሴዳዊ አማኑዋና፤ ኡንቱንቱ ካቲያ አዋጅካ ያዩቤይኪና።

24 ሙሴ ዲጩዳዋፔ ጉዩያን፡ ጊብጻ ካቲያ ናቲ ናባ ጌቴታናዋ ኢዳዳዊ አማኑዋና። 25 ናጋራን ሙሴ ጉላ ዋዲያ ናሽታናዋፔ፡ ያሳ አሳና ዋዬታናዋ ዶሬዳ። 26 ዋዴፔ ዳማና ዋይታ ኢ ቲሺ ኡዲዳ ያሎ ዲራው፡ ጊብጻ ጋዲያ ሻሉዋ ኡባፔ ከሪሰቶሳ ዲራው ቦሬቲያዋ ዳሮ አጲያ ዲሬቴላ ጊዳዳዋ ቆፔዳ።

27 ካቲያ ሃንቆ ሙሴ ያዩናን፡ ጊብጻ ጋዲያፔ ኬሴዳዊ አማኑዋና፤ አዩሲ ጎፔ፡ ቤቴና ያሳ ቤዒዳዋዳን፡ ጌንጨዳ ሲንላው ቤዳ። 28 ሃይቁዋ ከታንቻይ ኢሰራዔሊያ አሳው ባይራ ናና ቦቹናዳን፡ ሙሴ ፓሲጋ ቦንቹዳዊን ጉባኒያን ሱላ ጫጫፊሴዳዊ አማኑዋና።

29 ኢሰራዔሊያ አሳይ ሜላ ቢታን ሃሜቲያዋዳን፡ ዘዖ አባ ፒኔዳዊ አማኑዋና፤ ሺን ጊብጻ አሳቱ ፓጩው ጌሊሺን፡ ሃላይ ኡንቱንታ ሚቲ አጌዳ።

30 ኢሰራዔሊያ አሳይ ኢያርኮ ጊያ ካታማ ሹቻ ዲርሳ ላፑ ጋላሳ ዩዩ ዩዩ አጲዋፔ ጉዩያን፡ ሄ ሹቻ ዲርሳይ ኩንዴዳዊ አማኑዋና። 31 ጫራታ ራዓባ ዩዉዋ ቆሪያዋንታ ሎይላ ሞኬዳ ዲራው፡ ያሳው አዛዜቴናን ኢዳዳ አሳና ሃይቁናን አቴዳዊ አማኑዋና።

32 ሲሚ ሃራባ ጉጃዳ አያ ኦዶ? ጌዶናባ፡ ባራቃባ፡ ሳሚሶናባ፡ ዮፍታሃባ፡ ዳዊቲባኔ ሳሜላባ፡ ቃሲ ናባቱዋባ ኦዳናው ታው ዋዲ ጊዳና። 33 ኡንቱንቱ ካቲያ ኡባና ኦሌቲዳ ያኔዳዊን ያሎባ ኦሌዳዊ አማኑዋና፤ ያቲዳ ያሳይ ኢማና ጌዳዋ አኬዲና፤ ጋሞቱዋ ዶናካ ጎርዳዲና። 34 ዋልቃማ ታማ ቶዩሴዲና፤ ኩሳ ማሻፔ አቴዲና፤ ኡንቱንቱ ዳቡራንቻ፤ ሺን ሚኔዲና፤ ቃሲ ኦላን ሚኒዳ፡

11:21 ዶሞ 47:31 11:22 ዶሞ 50:24-25፤ ኬስ 13:19 11:23 ኬስ 2:2፤ 1:22 11:24 ኬስ 2:10-12 11:28 ኬስ 12:21-30 11:30 ኢያ 2:1-21፤ 6:22-25 11:32 ዳት 6:11-8:32፤ 4:6-5:31፤ 13:2-16:31፤ 11:1-12:7፤ 1ሳሞ 16:1-1ካ 2:11፤ 1ሳሞ 1:1-25:1 11:33 ዳን 6:1-27

ሃራ ጋዲያ አላ አሳ ዩዳርሴዲኖ። 35 ማጫዋንቱ ባሬንቱ ሃይቁዳዋንታ ሃይቁዋፔ ዳንዲና ኣኬዲኖ።

ቃሲ ሃራንቱ ቃሹዋፔ ቢሌታናዋ ኢዲዳ፣ ኬኪያ ዳዖ ሃይቁዋፔ ዳንዳናው፣ ኡጋቲዳ ሃይቁዲኖ። 36 ሃራቱዋ ቦላ አሳይ ቁሊጪ ካዔዳ፤ ሊሱዋን ሾጩቴዲኖኔ ሳንጻላታን ቃሼቲዳ፣ ቃሹ ጎሊያ ጌሌዲኖ። 37 ሹቻን ጫዳቴዲኖ፤ ማጋዚያን ላዑ ኬሲዳ ጳልቁቴዲኖ፤ ፓጩቴዲኖ፤ ማሻን ሃይቁዲኖ፤ ኡንቱንቶ ኡባባይካ ጳዪና፣ ዋዬቲዳ ቱጋቲዳ፣ ዶርሳ ጫላኔ ዳሻ ጫላ ማዪዳ ዩዩዲኖ። 38 ኡንቱንቱሲ ሃ አላሚ ጊጌናን ኢዲና፣ ዋራን፣ ዳሪያን፣ ጎንጎሉዋ ጊዶኒኔ አላ ጊዲዋን ዩዩዲኖ።

39 ያሳይ ኡንቱንቱ አማኑዋ ማርካቶፔካ፣ ሄዋንቱ ኡባቱ ኢ፣ አማና ጌዳዋ ኣኪቤይኪኖ። 40 ያሳይ ኑሲ አቲ ሎዖ ቆፋ ቆፔ ዋጴዳ ዲራው፣ ኡንቱንቱ ኑኒ ባይናን ባላይ ባይናዋንታ ጊዲኪኖ።

12

ያሳይ ኑሲ አዉዋ

1 ሲሚ ኑሲ ሃዋ ኪና ዳሮ አሳይ፣ ሻሪያዳን ኑ ማታን ዩዩ አዲዳ ማርካቲያዋ ዳዒሸን፣ ኑና ቆቢያ ኡባባኒ ባቂ ኦይቂያ ናጋራ ዲጊዳ ኑ ሲንጻን ዳዒያ ኑኒ ዋፃና ዋሳ ጌንጪዳ ዋይይቲ። 2 ኑኒ ኑ አማና ኦጊያ ዶዩዳዋኔ ፖሊሲያዋ ጊዳዳ ዩሱሳ ዩሎቴ። ዩሱሲ ዩላ ካዲዳ፣ ሲንጻፔ አው ዳዒያ ናሼቻ ዲራው፣ ማሰቃሊያ ቦላ ሚሲማሪያን ዲሼቲዳ ሃይቃናዋ ጌንጪዳ፣ ያሳ ካዉቴላ ኦይዲያፔ ኡሼቻ ባጋና ኡቴዳ።

3 ሂንቱንቱ ሂንቱንቱ ዋዛና ባዩዚዳ ዳቡሬና ማላ፣ ናጋራንቻቱ ባሬና ዳሮ ኢዲናካ ጌንጩዳ ዩሱሳ ቆፔቴ። 4 ናጋራና ሂንቱንቱ ባፃቲዳ፣ ሱላ ጉሳና ጋካናው ቢሮ ኦሌቲ ዲጊቤይኪታ። 5 ያሳይ ባሬ ናናዳን፣ ሂንቱንታ ዘሪያዋ ዶጌዲቴ? ያሳይ ሂንቱንታ፣ «ታ ናዓው፣ ያሳይ ኔና ሙሪያ ዋዳ፣ ላፋባዳን ቆፖፓ።

ኢ ኔና ሴሪያ ዋዳካ ያዮፓ።

6 አዩሲ ጎፔ፣ ኢ ባሬ ሲቂያ ኡራ ሙሬ፤ ቃሲ ባሬ ናዓዳን ኣኪያ ኡባካ ሊሱዋን ሾጩ» ያጌዳ። 7 ያሳይ ሂንቱንታ ሙሪያ ዋዳ ጌንጪቴ። አዩሲ ጎፔ፣ ኢ ሂንቱንታ ናናዳን አሌ። አዉ ሴሬና ናዓይ ዳዒ? 8 ናና

11:34 ዳን 3:1-30 11:35 1ካት 17:17-24፤ 2ካት 4:25-37 11:36 1ካት 22:26-27፤ 2ኦድ 18:25-26፤ ኤርም 20:2፤ 37:15፤ 38:6 11:37 2ኦድ 24:21 12:5 ዮብ 5:17፤ ለም 3:11-12

ኡባ ሴሪያዎዳን፣ ሂንቲንታ ሙሪናን አጎፔ፣ ካሬን ዩሌቲዳዎንታ ጊዲታፔ አቲን፣ ቱሙ ናና ጊዲኪታ። 9 ሄዋ ቦላን ቃሲ፣ ኑና ዩሌዳ ኑ አዎቱ ኑና ሙሪዳ ዎዴ፣ ኑኒ ኡንቲንታ ቦንቼዴ። ያቲና፣ ኑኒ ዋኒዴ አያና አቦ ሎይሊ ዳሪሲ ሞዴቲዴ ዴዎኮ? 10 አዩሲ ጎፔ፣ ኑና ዩሌዳ ኑ አዎቱ ባሬንታ ሎዎዎዳን፣ አማራዳ ዎዲያ ኑና ሙሪዲና፤ ሺን ያሳይ ኑኒ አ ጌሻቴላ አካና ማላ፣ ኑና ማዳናው ሙሪ። 11 ኑኒ ሙሪቲያ ዎዴ፣ ሃዲው ዩሎዬ፤ ናሽቴና። ሺን ሙሪዳዎንቶ ጉዬፔ ሄ ሙራይ ያሎቴላ ዴዐ-ዋ ሳርቴላ ዎይታ አማና።

ዘሪያኔ ሴሪ

12 ሄዋ ዲራው፣ ሂንቲንቲ አርጋጩዳ ኩሺያኔ ሂንቲንቲ ዳቡራዳ ጉልባታ ማንሌሊቴ። 13 ዎቢያ ጌዲ ፓፃናፔ አቲን፣ ቡርቄና ማላ፣ ሱሬ ኦጊያን ሃማቲቴ።

14 አሳ ኡባና ሳሮ ዳዳናው ማኒቴ፤ ቃሲ ጌሻ ዴዐ-ዋ ዳዲቴ። አዩሲ ጎፔ፣ ጌሻቴላይ ባይናን ኦኒኔ ጎዳ ቤዓናው ዳንዳዬና። 15 ያሳ አጼ ከካቴላ ኦኒኔ አከናን አቴና ማላ ናጌቲቴ፤ ቃሲ ደላዴ፣ ባሬ ማርዚያን አሳ ዎዩሲያ ጫሞ ማላዳን ሃኒዴ፣ ኦኒኔ ዳሮ አሳ ቱኒሴና ማላ ናጌቲቴ። 16 ዎሹማናው ካጄሊያ አሳይ ኦኒኔ ዴዔና ማላ፣ ዎይ ቃሲ አቲ ጌዴ ማያባው ባሬ ባይራቴላ ዛሊዔዳ፣ አያናባ ካወሺሲያ ኤሳ ማላ አሳይካ ዴዔና ማላ ናጌቲቴ። 17 ሄዋፔ ጉዩያን፣ ኤሳይ ባሬ አቡ አንጃዎ አካናው ኮዬዳዎ ኤሪታ፤ ሺን አ አቡ አ አንጃናን ኢዳዳ፤ አዩሲ ጎፔ፣ ናጋራፔ ሲሚያ ኦጊያ ኢ ሃራይ አቶ፣ አሮዒ ኮዩዴካ ዴማናው ዳንዳዩቤና።

18 ሂንቲንቲ ቦቻናው ዳንዳዩያ ዴሪያኮኔ ኤዲያ ታማኮ፣ ጳማኮ፣ ሻሪያኮኔ ጎቱዋኮ፣ 19 ቃሲ ማላካታ ዋሱዋኮኔ ቃላ ኮሻኮ ዩቤይኪታ። አሳይ ሄ ኮሻ ሲሴዳ ዎዴ፣ ሃራ ጉጂ ሲሴና ማላ ዎሴዳ። 20 አዩሲ ጎፔ፣ ያሳይ ኡንቲንታ፣ «ሃራይ አቶ፣ ደዓይካ ሄ ዴሪያ ቦቻ፣ ሹቻን ጫዴቲዴ ሃይቆ» ያጌዳ አዛዙዋ ኡንቲንቲ ጌንጫናው ዳንዳዩቤዩኪኖ። 21 አይፊያን ቤቲያዌ ዳሮ ዳጋንሊያዎ ጊዲያ ዲራው ሙሴ፣ «ታኒ ያሻን ኮኮራይ» ያጌዳ።

12:12 እሳ 35:3 12:13 ለም 4:26 12:15 ዛር 29:18 12:16 ዶዎ 25:29-34 12:17 ዶም 27:30-40 12:18 ኬስ 19:16-22፤ 20:18-21፤ ዛር 4:11-12፤ 5:22-27 12:20 ኬስ 19:12-13 12:21 ዛር 9:19

22 ሺን ሂንቴንቱ ዲሪያ፡ ዴያ ያሳይ ዴዲያ ካታማ፡ ኢቲፔ ሸቂዴ ናሹቲያ ዳር ሻዓ ኪታንቻቱቀኮ ሳሉቀ ዩሩሳላሜ ዩዲታ።

23 ያሳ ባይራ ናናቱቀኮ፡ ኢቲፔ ሸቂዳቀንቱኮ፡ ኡንቱንቱ ሱንጻይ ሳሉቀን ፃፊቴዳቀንቱኮ ዩዲታ፤ ቃሲ ኣሳ ኡባ ፒርዲያ ያሳኮኔ፡ ባላይ ባይናቀንታ ኦሌዳ ዲሎ ኣሳቱቀ ኣያናቱቀኮ ዩዲታ።

24 ኦራፋ ጫቆ ጋናቲያ ዩሱሳኔ ኣቤላ ሱፋፔ ኣጲያቀ ኦዲያ ጉኬዳ ሱፋኮ ዩዲታ።

25 ሂንቴንቱሲ ኦዲያ ኡራ ዩወቀ ሲሲያቀ ሂንቴንቱ ኢጻና ማላ፡ ሂንቴንታ ናጊቴ። ያሳ ኪታ ሳዓን ባራንቶ ኦዲያቁ ኦዲያቀ ሲሴናን ኢጻዳቀንቱ ኣታና ጻዮፔ፡ ሳሉቀን፡ «ሂንቴና ናጊቴ» ጊያ ያሳፔ ኮኒ ቀኒዴ ኣታኔ? 26 ሄ ዎዴ ኣ ኮሻይ ሳዓ ቃሌዳ፤ ሺን ኢ ሃዒ፡ «ታኒ ሳዓ ፃላላ ጊዴናን፡ ኢቲ ጌዴ ጉጃዴ ሳሉቀካ ቃላና» ያጌዳ። 27 «ኢቲ ጌዴ ጉጃዴ» ጊያ ቃላይ ቃፃናባይ ሚኒዴ ዴዓና ማላ፡ ሜጴቴዳባይ ቃፃናቀኔ ኪቻናቀ ጌሺዴ ቤሴ።

28 ኮኒ ቃፃናው ዳንዳዬና ካወቴላ ኣኪያ ዲራው፡ ኣኔ ያሳ ጋላቶይቴኔ ኣ ናሹቾይቴ፤ ኣው ቤሲያቀዳን ቦንቹቀኒኔ ያሻቴላን ኣው ጎዩናይቴ። 29 ኣዩሲ ጎፔ፡ ኦ ያሳይ ቱሙ ባዩዚያ ታማ።

13

ያሳ ኮኒ ዎቲ ናሹቻናው ቤሲንቶ

1 ሂንቴንቱ ኢሻቱቀ ሰቂያቀ ኣጎፒቴ። 2 ኢማላ ሞኪያቀካ ደጎፒቴ። ኣዩሲ ጎፔ፡ ያቲያቀን ኢቲ ኢቲ ኣሳይ ኤሬናን ኪታንቻቱቀ ሞኬዳ። 3 ቃሾ ጎሌን ዴዲያቀንቱባ ሂንቴንቱካ ኡንቱንቱና ኢቲፔ ቃሾ ጎሌን ዴዲያቀዳን ቆፒቴ፤ ቃሲ ሂንቴንቱ ሂንቴንቱ ሁጹው ዎዩቲያቀዳን፡ ዎዩቲያቀንቱባ ቆፒቴ።

4 ኣኪያቀኔ ጌሊያቀ ኣሳይ ኡባይ ቦንቻናው ቤሴ፤ ቃሲ ኣሲናይኔ ማቻታ ኢቱ ኢቱቀሲ ኣማኔታናው ቤሴ፤ ኣዩሲ ጎፔ፡ ያሳይ ዎሹማናው ካጃሊያቀንታኔ ዎሹሚያቀንታ ፒርዳና።

5 ሚሻ ሰቁቀፔ ሂንቴንታ ናጊቴ፤ ሂንቴንቱሲ ዴዲያቀ ሂንቴንቱሲ ጊዴ። ኣዩሲ ጎፔ፡ ያሳይ ባሬ ሁጹው፡

«ታኒ ኔና ኡባካ ዩጊኬ
ዎይ ኣጊኬ»

ያጌዳ። 6 ሄቀ ዲራው፡ ኮኒ ፃሊዴ፡

12:24 ዶም 4:10 12:25 ኬስ 20:22 12:26 ሃግ 2:6 12:29 ዛር 4:24 13:2 ዶም 18:1-8፤ 19:1-3 13:5 ዛር 31:6፤ 8፤ ኢያ 1:5

«ጎዳይ ታና ማዲያዎ፤
ታኒ ያዩኬ።
እጎይ ታና ኣይ ኦሊ?»
ያጌቶ።

7 ያሳ ቃላ ሂንቴንቴሲ ኦዲዳ ሂንቴንታ ካሌሌዳዎንታ ሃሳዩቴ፤ ኡንቴንቴ ዋኒ ዴዔዲኖንቶኔ ሃሳዩቴ፤ ቃሲ ኡንቴንቴዎዳን ኣማኒቴ።

8 ዩሱሲ ኪሪሰቶሲ ዚኖካ ሃቼካ ማዲናውካ ላማቴና። 9 ዲማ ዲማ ኦራላ ቲሚርቲያን ዎራ ቦፒቴ። ኑ ዎዛናይ ያሳ ኣቶ ከካቴላን ሚኖፕ ሎዎ ጊዲያዎፕ ኣቲን፣ ቁማ ዎጋቶ ኣዛዜቴያዎ ጊዴና፤ ሄዎ ኣዛዜቴዳዎንቴካ ማዴቲቤይኪና።

10 ኑሲ ያርሺያሳይ ዴዔ፤ ዲንካኒያ ጊዶን ኦሊያዎንቴ ሄ ያርሺያሳፕ ማናው ኡንቴንቶ ማታይ ባዎ። 11 ቁሳቱዎ ኡባቱዎ ካፑ ናጋራ ዲራው፣ ማሂያ ሱላ ያርሻናው ኡባፕ ኣቋያ ጌሻ ሳዓ ኣፌ፤ ሺን ሄ ማሂያ ኣሹዎ ቃሲ ዲርሳፕ ካሬና ጉዴ። 12 ሄዎ ዲራው፣ ዩሱሲካ ቃሲ ናጋራፕ ኣሳ ባሬ ሱላን ጌሻናው፣ ካታማ ፔንጊያፕ ካሬና ዎዩቴዳ። 13 ሲሚ ኑኒ ኢ ቦሬቴዳ ቦሬያ ኣኪዴ፣ ዲርሳፕ ካሬ ኣኮ ከሶይቴ። 14 ኣዩሲ ጎፕ፣ ኑሲ ሃዎን ማዲናው ዴዔያ ካታማይ ባዎ፤ ሺን ኑኒ ያና ካታማ ናጌቶ።

15 ሲሚ ያሳው ዩሱሳ ባጋና ኡባ ዎዴ ጋላታ ያርሹዎ ኣዎይቴ፤ ሄዎ ጊያዌ ማቴርሻይ ኣ ሱንጎው ኢሚያ ጋላታ ጊያዎ። 16 ሎዎባ ኦሊያዎኔ ኢቱ ኢቱዎ ማዲያዎ ዶጎፒቴ። ኣዩሲ ጎፕ፣ ያሳ ናሼቺያዌ ሄዎ ማላ ያርሹዎ።

17 ሂንቴና ካሌሊያዎንቶ ኣዛዜቴቴ፤ ቃሲ ኡንቴንቴ ኣዛዚያዎካ ኦሊቴ። ኡንቴንቴ ባሬንቴ ኦሌዳዎ ያሳው ኦዳና ዲራው፣ ሂንቴንቴ ሺምፑዎ ሎይሊ ናጊኖ፤ ሂንቴንቴ ኡንቴንቶ ኣዛዜቶፕ፣ ባሬንቴ ኦሱዎ ናሼቲዴ ኦላና፤ ሄዎ ቆዮፕ፣ ኡንቴንቴ ዩሎቲዴ ኦላና፤ ሄዎ ሂንቴንታ ኣይኔ ማዴና።

18 ኑሲ ያሳ ዎሲቴ። ኑኒ ኡባ ዎዴ ሎዎባ ኦላናው ኮዩያ ዲራው፣ ኑና ዘሪያ ሎዎ ዎዛናይ ኑሲ ዴዔ። 19 ያሳይ ታና ሂንቴንቴኮ ኤሌካ ዛራና ማላ፣ ያሳ ሂንቴንቴ ሎይሊ ዎሳናዲን፣ ታኒ ሂንቴንታ ሎይላ ዎሳይ።

ዎሳ

20 ሳርቴላ ያሳይ፣ ኑ ጎዳ ዩሱሳ፣ ዶርሳቱዎ ሂንጎንቻ ዎልቃማ፣ ማዲና ጫቁዎ ሱላን ሃይቁዎፕ ዴንሌዳ። 21 ያሳይ ዩሱሲ ኪሪሰቶሳ ባጋና ባሬ ሲንጎን ባሬና ናሼቺያዎ ሂንቴንታ ኦሲሲዴ።

ሂንቴንቴካ ኢ ኮዬዳዎ ኦላና ማላ፥ ሎዖ ኦሱዋ ኡባን ሂንቴንታ ኢ ገገሶ፤ ያሳይ ሜጲ ሜጲናው ቦንቼቶ። አሜንዒ።

ቁቴላ ቃላ

22 ታናዳን አማኒያዋንቶ፥ ታኒ ሃ ዳቢዳቢያ ሂንቴንቴሲ ቃንላን ፃፌዳ ዲራው፥ ሂንቴንቴ ሃ ዞሪያ ሳሌቴናን ሲሳና ማላ፥ ታኒ ሂንቴንታ ዋሳይ።

23 ኑ አሻይ፥ ሂዋቶሲ ቃሹዋፔ ቢሌቴዳዋ ኤሪቴ። ኤሌሊ ኢ ሃ ዮፔ፥ ታኒ አናና ባዴ ሂንቴንታ ቤዓና።

24 ሂንቴና ካሌሊያ ኡባቱዋኔ ያሳ አሳቱዋ ኡባ ሳሮ ሳሮ ገቴ። ፃሊያፔ ዬዳ አማኒያዋንቱ ሂንቴንታ ሳሮ ሳሮ ገኖ።

25 አጶ ከካቴላይ ሂንቴናና ኡባና ኢቲፔ ገዶ። አሜንዒ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022
585b63ca-b8e6-55c8-bfef-10bdc95ad69c